

23372
23373
23374

1. Հաւաքիլ Արշակ ս. Պէտք
Հերմանիկ


2. Գրյու Հյու ս. Քաջըռս

3. Դրա ս. Մամիկ Բօհեմյան
ՀՀ

94.35
-97

891.99

4-71



891.99

Հ-71

ՄԱՆԻՒԵԼ ԱՌԱՍ

ԹՇՈՒԱՌ ԸՆՏԱՆԻՔԸ



Կ. ՊՈՂԻՄ

ՏՊԱԳՐՈՒԹԻՒՆ Գ. ՊԱՂՏԱՏԵԱՆ

Սուլիքն Համամ նաստեսի, թիւ 14

1896

ԱՅՍ ԵՐԿԸ ԿԸ ԶՈՒԵՄ

ՄԵՇԱՆՈՒՆ ԳՐԱԳՔՏԻՆ

ԼԵՒՈՆ ԷՖ. ՓԱՇԱԼԵԱՆԻ

ՄԵծ. Տեր,

Պատիւ միանգամայն ուրախու-
րիւն կը համարիմ ինձ ձօնել
այս երկը Չեր մեծ Անձին եւ
Անուան :

ՀԱՅՈՒՑԵցէ՞ յարզանիւ

ՄԱՆԻԷԼ-ԱՌԱՄ

ՅԱՌԱՋԱԲԱՆ

Այն բազմարիւ «վէպ» երը՝ որոնք այսօր հրապարակին վրայ կը վլսան, գրեթէ անմենքն ալ բարգմանուրիւններ են զանազան լեզուներէ: Թէեւ անոնք նոյն ազգուրիւններու վերաբերող խոռոչ հանճարմերու, մեծ վիպասաններու գրչաց արդիւնք են՝ սակայն ո՞ր աստիճան օգտակար կրնան ըլլալ մերիններուն. ի՞նչքան օգտակարուրիւններ կրնանք ժայիլ օսարմերու բարեթէն, սովորութիւններէն բանի որ այսօր մեր ազգին ներփին կեանքին, բարերուն եւ արարքներուն տեղեակ չենք. պատճա՞ն. — որովհետև իիչ մը շատ կը սիրենք օսարմերը, որովհետև մեր սիրելի մեծ գրիչները չարադրեցին մեզի ժողովրդական կեանքէ: «Նորավէպ» եր (բացառութիւնները յարգելի են):

Չունեցանք դեռ բառին բուն նշանակուրեամբ բանասեղծներ, գրագէտներ՝ որոնց երգերը, վկայերը, պատմուրիւնները, ողբերգուրիւնները, ամեն արտադրուրիւնները բափանցէին մեր ժողովրդեան ներփին կեանքին, անոր սկզբունքներուն, իր ամեն պարագաներով՝ այնպէս որ ներկայ սերունդը զանոնք կարգալով տեղեակ ըլլար իր ցեղային լաւ կամ յուի բարերուն եւ աւանդուրեանց: Մեր բանասեղծները կը սիրեն լրկ բանասեղծուրեան սոսկական անունը կրել, կը սիրեն կեանքը հեռուէն դիմել, — դանիինի բանասեղծ՝ չեն ուզեր իրենց բանասեղծուրեանց գործնականուրիւն մը տալով

իրենց կեանքը կապել ժողովրդեան կեանքին հետ, եւ այսպէս ձադիլել անոր աւելորդապատութիւնը եւ արդի կեանքին մէջ ընկերական բարեշրջում մը յառաջ բերել : Բայց յուսաից ենք մեր սիրելի մեծ հանճարեներէն :

Այս փոքրիկ «Նորապէ»ը, որ հրապարակ կ'ել-
նէ, ընթեցողներուն պիտի ներկայէ տեղական
կեանքէ առնուած ընտանեկան ժխուր պատմութիւն
մը — մանրանկարն այն պատկերներուն՝ որոնք քա-
գուն կը մնան շատերուս անձանօր : Կը վերջա-
ցընեմ յառաջարան կրկնելով — Նախ իու կեանին
գիտակ, յէտոյ ուրիշներուն :

Մ.

ԹՇՈՒԱՐ ԸՆՏԱՆԻՔԸ

Պ Լ Ո Ւ Վ Ա.

Ծովեղերքին վրայ կառուցուած սիրուն քաղա-
քի մը ամենէն լայն եւ օգասուն փողոցին մէջ՝
համեստ կենցաղով մը կ'ապրէր Յովհաննէս իր
ընտանիքով : Իր տունը թէեւ նոր չէր, սակայն
առաւտեան հրաշառ հորիզոնին կուրծքէն դուրս
նետուող արեգակին առաջին ցոլքերը անոր վրայ
իյնալով՝ կը լուսաւորէին այդ անշուք տան ներ-
քին մասերը, եւ կենդանութիւն կը սփռէին ա-
նոր նսեմ մթնոլորտին մէջ : Այդ տունին փողոցին
մէջ կար քաղաքին էն զով ջուրը, ամեն առաւոտ
եւ իրիկուն երկսեռ մեծ բազմութիւններ՝ հիացու-
ցիչ արդուզարդերու փողփողմանը մէջ, կը ճեմէին
եւ ամբողջ ցերեկը մինաւորիկ մնացող այդ փողոցը
կ'ողողէին մարդկային երկսեռ հոսանքով մը : Յու-
րեկուան լուսութիւնը այժմ մեծաշունդ ժխորի մը
փոխուած է. ասդին երկսեռ խումբ մ'է որ սիրա-
բանելով վեր, վար կը ճեմէ առանց ուշադրու-
թիւն տալու իր քովի ժխորին, անցուզարձին կամ
տարբեր տարազներու եւ արդուզարդերու խառ-
նուացքներուն՝ որոնք աչքին հաճոյական ներդաշ-
նակութիւն մը կուտան . անդին մի քանի ապուշ

երիտասարդներու բարձրածայն յա'հ, յահն է՝
որ կը լսուի, եւ որոնք կարծես այս տեսակ զուար-
մութեանց մասնաւոր համեմեներն են. կարճ խօսքով
Եւրոպական պուլլառներուն մանրանկարն էր այս
փողոցը։ Ահաւասիկ այսպիսի զուարթ միջա-
վայրի մը մէջ ապրելով Յովհաննէսին զաւակը
կը մննար ու կը բազմանար։ Այս ատեն 3-4 տա-
րեկան էր, իր քիչ մը խոշոր գլխուն մէջ կարծեա-
թէ ապագային համար թաղուած ճոխ գանձեր կա-
յին, իր սիրուն այտերը վարդերէն աւելի կարմիր
էին. ակռաները մարգարտի հատիկներու պէս կե-
ռասի գոյն շրթունքներուն տակ պահուած՝ երբ նա
ժպատէր, այդ ադամանդներու գողոտրիկ շարքը աշ-
քի զարնող առաջին բանը կ'ըլլար. իր աչքերը
շագանակագոյն էին՝ որուն մէջ նայողն առաջին
անգամ սա զաղափարն կը կազմէր թէ այդ զոյդ մը
գոհարներն լրջութեան անհուն ծով մ'էին, թէ այդ
վառվառն աչքերը իրեն համար խիստ հեռակայ ապա-
գայ մը տեսնելու զօրութիւնը ունէին, իսկ իր պահ-
պաշիւն ճակատը ամենուն զարմացման, գուրգու-
րանքին եւ համբոյրներուն կը հանդիպէր. — մանկիկ
հրեշտակ մ'էր կարապետ։

ԳԼՈՒԽ Բ.

Պ. Յովհաննէս բարի եւ համեստ մարդ մ'էր,
գեղեցիկ նկարագրով օժտուած՝ որովհետեւ երկրա-
գործ էր՝ ամեն առաւօտ կանուխ կ'ելնէր, մինչ իր
սիրուն ձագուկները դեռ երազանքներու անուշ
հմայքին մէջ կ'օրորուէին, եւ ուրախութեամբ
գաշտը կ'երթար, հօն մինչեւ իրիկուն տաժա-
նելի կերպով կ'զբաղէր, կը տգնէր, կը հալէր
ու կը մաշէր. իր ճակատներուն վրայէն քրտինք-
ները հեղեղներու պէս կը թափէին, այս ամենը մի-
այն ընտանեաց եւ զաւակներուն սիրուն համար եւ
երբ երեկոյին կը վերադառնար տուն՝ մինչ բաւա-
կան հեռի էր, իր չորս մանկիկները հայրիկ պոռա-
լով կ'ողջունէին զինք, այն ժամանակ Յովհաննէս
իր բոլոր յոգնութիւնները, խոնջանքները կը մոռ-
նար եւ երբ տուն զալով կը նստէր բազմոցին վրայ
կարապետ անմիջապէս կը նետուէր անոր պարանո-
ցը։ Մարիամ՝ կռնակը, իսկ փոքրիկ երկուորեակները,
— Յակոբ եւ Յարութիւն՝ քալելու եւ խօսելու ան-
կարող՝ իրենց ուրախութիւնը կը յայտնէին անխօ-
սուկ աղաւանիներու մրմունջին պէս. անոյշ նայ-
ուածքներ, եւ մանկական անվերջ, տարտամ ժպիտ-
ներ արձակելով, ճիշտ այս ժամանակ ա'լ սիոված էր
հայրը, իր բոլոր յոգնութիւնները անցած էին, այդ
մանկիկներուն առթած սիրուն եւ ուրախութեանց
հանդէպ ընտանեկան ամեն թշուառութիւններ եւ
նեղութիւններ տեղի կուտային։

Տիկին Յովհաննէս միջահասակ կին մ'էր, մարմ-
նացումն այն բոլոր առաքինութեանց՝ որոնք կին
մը բառին բուն նշանակութեամբ կնոջական տիպա-
րին կը հասցնեն, մարմնացումն էր այն բոլոր յատ-
կութեանց՝ որոնք անհրաժեշտ են ամուսնութիւնը
նուիրագործելու, ամուսնական յարկը բարգաւաճե-
լու, այո՛, կին մ'էր, որ ամեն ժամանակ եւ ամեն
պարագայի մէջ բաժնեկից կ'ըլլար իր ամուսինին
աշխատութեանց, խոնջանքներուն, ուրախութեանց,
ամեն բաներու, եւ այդ պատճառով էր որ իրենց
տանը մէջ միշտ խաղաղութիւն, միշտ գոհունակու-
թիւն, միշտ սէր, միշտ ուրախութիւն եւ միշտ
ժպիտ կը բուրէր :



Դեկտեմբերի մառախլապատ առաւօտ մ'էր, ցուրտ
քամի մը սառնաշունչ կը սուրար ամեն կողմ', եւ կը
լիզէր ամեն դէմք, քաղաքը խոր լոռութեան մը մէջ
թաղուած էր, եւ այս լոռութիւնը միայն կը վրդով-
ուէր արշալոյսը աւետող աքաղաղներու խօլական եւ
տարտամ պոռչառուքներէն . մինչդեռ քաղաքին
զբեթէ ամբողջ բնակիչները արշալոյսի անուշ երազ-
ներու մէջ թաղուած էին, յանկարծ մօտակայ եւ
կեղեցին զանդակին քաղցր եւ հանդարտ զօղան-
ջիւնը սկսաւ լսուիլ որ մերթ քամիին առջեւն ինկած

կ'երթար հեռո՛ւն, եւ գրեթէ անլոելի կը դառնար,
եւ մերթ ալ խիստ մօտ կուգար եւ Պ. Յովհան-
նէսի տունը կը լեցնէր իր խօլական ձայներով : Պ.
Յովհաննէս անմիջապէս ելաւ, հագուեցաւ եւ դաշ-
տը երթալէն առաջ եկեղեցի գնաց՝ ուր լուսարարը
գեռ մոմերը վառելու գործը ի զլուխ կը հանէր,
մինչդեռ միւս կողմանէ Սարկաւագ Հայրը իր քաղցր
ձայնով «Հայր մեր՝ որ յերկինս ես սուրբ եղիցի
անուն քո» աղօթել կ'սկսէր Պ. Յովհաննէս ջերմեռան-
գութեամբ սկսաւ աղօթել՝ ծնրադրելով եկեղեցւոյ
գաւիթին մէջ, յետոյ աւելի յառաջ երթալով մի քա-
նի անգամ խաչակնքեց երհսը եւ տասնոց մօմ մ'ալ
Սուրբ Աստուածամօր պատկերին առջեւ վառեց.
մեկնելու ատեն նայուածք մը ձգեց տաճարին չորս
կողմը եւ միայն քանի մը տոկուն պառաւներ տե-
սաւ՝ որոնք անսկիւնները կեցած էին եւ իրենց պա-
ռաւական անվերջ խնդրուած քնները — Սուրբ Աստ-
ուածամար էրինից արքավութեան արժանացուր
մնզ — թող տուած : Յետոյ տուն եկաւ, առաւ իր
երկրագործական գործիքները եւ դաշտ գնաց, այն
ժամանակ զեռ ցուրտ քամին վերջացած չէր, իսկ
եղեամը ձիւնի պէս ձերմիցուցած էր դաշտերը .
Պ. Յովհաննէս ցուրտէն կարկամած ձեռքերը տաք-
ցնելու համար աստ, անդ գնաց եւ քանի մը թրջած
փայտեր ու խոտեր գտնելով փոքրիկ փոսի մը մէջ
զետեղեց զգուշութեամբ եւ մի քանի սիկարի թուղ-
թեր վառելով յաջողեցաւ կրակը վառել եւ իր սա-
ռած ձեռքերը տաքցնել, արդէն արեգակը հեռակայ
բարձր տեսարանները անսովոր ջերմութեամբ եւ
պայծառութեամբ ողողած էր. քիչ վերջ Պ. Յովհան-

նէսին վրայ ալ ծագեց եւ ամբողջովին տաքցուց զայն՝ որ անմիջապէս ելաւ եւ իր հողագործական գործիները առնելով սկսաւ փորել քրտնաթոր, մէկ ժամ, երկու ժամ, երեք ժամ փորեց. արեգակը իր գենիթը հասած էր եւ նմանը չտեսնուած տաքով կ'այրէր, կը մրկէր ամէն բան. ոչ մէկ թոշուն կը թռչատէր, ամէնքն ալ չուք տեղերը, ծառերուն տակ, աղբիւրներուն քով ապաստաներ էին զովանալու համար. ջրբռտանիները իրենց լեզուները երկերկու կանգուն դուրս ձգած կը հեւային շնչառապառ, ծառերն եւս այս աղղեցութեան տակ իրենց կատարները ծուած էին. էս օր էր, սակայն կէս զիշերուան մը սխրալի լոռութիւն կը տիրէր այն ընդարձակ դաշտերուն վրայ. ոչ մէկ թոշուն կը ճոռուողէ, ոչ մէկ մարդ կամ կին կ'երգէ՝ ոչ մէկ տերեւ կ'երերայ, հետեւաբար սոսափիւն ալ չկայ, խորհրդաւոր լոռութիւն մը՝ որ միայն կը վըրդովուի հեռուն ծառի մը տակ նստող մարդոց տաքէն մարելու աստիճանին հասած նսեմ ձայներով՝ որոնց մին կ'ըսէր թէ այսօր դժուքին մէջ վարդապետ մը նետեր են, ուրիշ մը՝ փաստաբան մը նետեր են, երրորդ մը՝ բժիշկ մը նետեր են, իսկ չորրորդ մը, որուն ըսածը աւելի շխտակ կը թուէր, կ'ըսէր այսօր երեքը մէկանց դժուքը նետեր են. Պ.Յովիաննէս որ նոյնպէս պառկած էր, իւրովի կ'ըսէր. այոչափ տաք, անպատճառ օդը պիտի աւրուի. եւ իրօք ալ կէս ժամ չանցած հով մ'էր փրթեցաւ՝ այնքան սոսկալի եւ սաստիկ որ բոլոր արտերուն հողերը երկինք կ'երնէին, կարծես թէ հողերէ հոկայ սիւնակներ կ'երթեւեկէին օդին մէջ, ծառերը իրենց

կատարները մերթ երկինք կը բարձրացնէին, մերթ երակիր կը խոնարհէին. հազիւ աչքերդ կը բանաս եւ ահա կը տեսնես փտատած հոկայ իրաններ ունեցող ծառերուն տապալելը, երկինք սկսաւ ամպոտել, սեփ սեւ ամպեր փայրկենի մէջ ծածկեցին կապոյտ գմբեթը, ամպեր թաւալզլոր իրարու կը ճակատէին որոտընդուստ պայթումներ հանելով, ամրոպք եւ չանթք կը ճայթէին բարձրէն, խեղճ կիներն կայծակներէն ապահով լինելու համար ծառերու տակ ապաստանելով իրենց հաց կարելու զմելիիներն ու կանակներն անսնց իրաններուն կը խոթէին, չէին գիտեր թէ այսպէս ընելով աւելի կը զիւրացնէին վտանգը. մանկամարդ կիները անդադար կը խաչակնքէին, խոկ պառաւները աղօթքի ճայներով թիսուափ կ'աղաչէին — Յիսուս Քրիստոս աս պելան ամսի, մէյ մըն ալ չկայ — Երկնքին այս բարկութիւնը տաքէն աւելի արհաւելիք աղդած էր, եւ սակայն չուտով իր յագուրզը գտաւ՝ երբ երկնքէն հեղեղներու պէս հոսանքներ սկսան թափիլ, ինչպէս ջրվէժներէն ջուրերու ահազին հոսանքներ կը թափին ի ծով. Պառաւները ահաբեկած կը պոռային, խոկ մարզիկ եւ կանայք իրար փաթտուած եւ զարհուրած՝ գրեթէ զիտակցութիւննին խոկ կորանցուցած էին, արտերուն ամեն կողմերէն հոսանքներ կը վագէին իրենց հետ տանելով ամեն բան. եւ ահա ամեն ինչ իր յագուրզը գտաւ, արեգակը, անձրեւը, ամպը, հովը, կարծես թէ ասոնց ամենքն ալ իրենց ժայթքումը այդ օրուան ձգեր էին. Այժմ կը տեսնուին մարդիկ եւ կիներ թրջուած տուն կուգան։ Պ. Յովիաննէս եւս լաւ մը թրջուած տուն հասաւ,

լաթերը փոխեց եւ անմիջապէս անկողին մտաւ :
Ամեն տեղ—տուները , շուկաները , որճարանները ,
սալոնները , եւ մանրանկար պուլվառները զրաւ-
ռաւած էին հետաքրքիրներու հօծ բազմութեամբ ,
որոնց հասարակ խօսակցութեանց նիւթն էր օրուան
պատահարը , մէկը կ'ըսէ այսինչին տունը փլաւ ,
միւսը՝ այնինչ տեղը կայծակի իջաւ , ասզին մէկ քա-
նիներ մի քանի անասուններու խզդուելը կը ծանու-
ցանեն՝ անդին ուրիշներ՝ որ մէկ քանի անձերու կայ-
ծակէն վակինալով յանկարծամահ լինելն կը հոչակին :

Խեղճ Պ. Յովհաննէս , վերջին անկողին մըտ-
նեն էր , ալ գուրս չելաւ , որովհետեւ ինք արդէն
նիհար ըլլալով շուտով անբուժելի հիւանդութեան
մը տեղի տուաւ , շատ աշխատութիւններ անվհատ
յառաջ տարուեցան , ամեն ջանք եւ ճիգ ի գործ
զրին՝ որպէս զի կասեցնէին այն հիւանդութիւ-
նը՝ որ անզթաքար կը կրծէր եւ կը հալեցնէր
Պ. Յովհաննէսի սիրտը . մինչեւ որ զայն կատար-
եալ կմախք մը դարձուց ։ Յոլոր ջանքերը չպասկ-
ուելէ եւ ամեն յոյսեր ցնդելէ վերջ՝ միայն ընելու
մէկ քան մը կը մնար ։ հիւանդանոց զրկել , այն ալ
ըրին , մայրաքաղաքին ամենէն երեւելի հիւանդա-
նոցին յանձնեցին , մէկ երկու ամիսներ հոն մնաց
եւ վերջապէս մեծ բժիշկները իրենց վերջին տեղե-
կազիրները տալով՝ յայտնեցին ախուր իբականուա-
թիւնը . Պ. Յովհաննէս ծննդավայրը վերապարձաւ
եւ վերջապէս տանը մէջ ութը ամիսներ եւս հիւ-
ծելով գիշեր մը մեռաւ խաղաղ եւ անդորր՝ տունը
իր առաքինի տիկնոջ , եւ զաւակներուն Մարիամի ,
Կարապետի , Յակոբի եւ Յարութիւնի թողով :

Զ Ե Ր Ա Խ Ս Յ Ա .

Պ. Յովհաննէսի զուարթ տունը բոլորովին փոխ-
ուեցաւ , ամբողջ սենեակներուն արդուզարդերը եւ
պատուաններուն վարագրյները սեւերու փոխուե-
ցան , Տիկին Յովհաննէսի սիրտը այնքան վիրաւոր-
ռաւած էր Աստուածային այս հարուածէն որ՝ ոչ մի-
այն ինք սուզի լաթեր հագաւ՝ այլ իր չորս զաւակ-
ներուն ալ սեւեր հազցուց՝ սակայն սեւերը մասնաւ-
որ հրապոյր մը տուած էին անոնց . անոնց փա-
փուկ մասերը , վարդագոյն այտերը , շագանակա-
գոյն աչքերը եւ ոսկեգոյն մազերը ա՛լ աւելի գե-
ղեցկութիւն մը եւ վեհութիւն մը առած էին :
Այս ժամանակ Մարիամ հօթը տարեկան էր , Կարա-
պետ չորս , իսկ Յարութիւն եւ Յակոբ—երկուոր-
եակներ—երկերկու տարեկան : Երկու խօսք երկուոր-
եակներուն նկատմամբ : Ասնք շատ առողջ ծնած
էին . Շատ անգամ կը լսինք եւ կը կարգանք թէ
երբ աղջիկները կ'սկսին բանալ իրենց երեւա-
կայութեան ոսկեղէն զաները՝ կը վերալանան յաւեր-
ժահարսերու անձանօթ պալատները . իտէական
հարս մը կ'ըլլան , կ'առնեն նաև իտէական , սիրուն ,
պաշտելի երիտասարդ մը՝ կամար յօնքերով՝ սեփ
սեւ պիտիսերով՝ վարդագոյն այտերով—առնական գե-
ղեցկութեան տիպար մը—յզի կ'ըլլան , երկուոր-
եակներ կը ծնանին , մէկը մանչ , մէկալը աղջիկ ,
երկուքն ալ անանկ գեղեցիկ , անանկ որ՝
Դժբաղդաբար այսպիսի մեղրի պէս անուշ քունի մէջ

օրօրուող մեր նազելի օրիորդները — որոնք աւելի բանդագուշանքներով կ'ապրին քան թէ իրականութեամբ — երբ հարս կ'ելնեն, ոչ միայն երկուորեակներ չեն ծնանիր, այլ մէկ հատ ծնածնին ալ երեւակայուած գեղեցկութիւնը չունի. պատճառը. յայտնի է, թէ օրիորդը — տիկինը — եւ թէ նրիտասարդը — այրը — յանցաւոր են. Սակայն Յարութիւնի եւ Յակոբի մայրը իր աղջիկ եղած ժամանակ երբեք այսպիսի բան մը խորհած չէր եւ բարերազգաբար ինք ծնաւ այդ սիրուն երկուորեակները վիպական եւ մոգիչ գեղեցկութեամբ :

Յակոբ թիվինի պէս ճեփ ճերմակ տղեկ մ'էր ոսկի մազերով՝ աչքերը երկնքին կապոյտին պէս՝ գէմքը շուշանի մը անբծութիւնը կը կրէր. հանդարած բնաւ լալ չէր գիտեր, միշտ կը ժպաէր, ինքնիրեն կը խաղար ու կը զուարձանար : Յարութիւն քիչ մը նիհար էր՝ կամար յօնքերով, գրեթէ հօրը կը նմանէր, քիչ մը անհանդարտ էր եւ շատ լացող : Շատ հազուագիւտ բան մ'է տեսնել երկուորեակի մը մինչեւ վերջը ապլուլը, անոնցմէ մին գէթ կը մեռնէր եւ եթէ պատահէր որ այնինչին երկուորեակ զաւակները մեծնալով երիտասարդներ ըլլային՝ ատոնք մատով ցոյց կը արուէին :

Յարութիւնի եւ Յակոբի մայրը երկուորեակները մեծնելու բնաւ յոյս չունէր՝ զի կ'ըսէր իւրովի — «Եթէ բաղդ ունենայի ամուսինս չէր մեռներ» : Եւ իրօք Տիկին Յովհաննէսի խորհածը կատարուեցաւ . օր մը մինչդեռ երկուորեակները քով քովի նստած կը խաղային՝ Յակոբը որ բնաւ լալ չէր գիտեր, յանկարծ ճիչ մ'արձակեց՝ որ աղայոց սովորական

Ճիչերուն բնաւ չէր նմաներ . մայրը անմիջապէս քովը վազեց զայն զիրկը առաւ, համբուրեց անսոր կապոյտ աչքերը. սակայն խեղճ մայրը անսաւ որ ան շուշանի պէս ճերմակ տղան դեղնած էր ջերմէն, դեղնութիւն մը որ մահու զալուկին կը նմանէր . փոքրիկ զաւակը տաքութեան մէջ էր, իսկ մօրը աչքերէն արտասուլներու հեղեղներ կը յորդէին՝ որոնք երեսները այրելով տա՞ք տաք կ'իյնային հէգ տղուն տենդուտ երեսներուն վրայ : Արցունք չէր այն, այլ սրտէն ժայթքած արիւնն՝ որ կ'այրէր, կը հրդեհէր անոր սիրտն ու հոգին, երակները կը ցամքեցնէր . ցուրտ սարսուռ մը իր բովանդակ էութիւնը կը ցնցէր ելեքտրական հոսանքի մը նման, մինչդեռ կ'ազալակէր — «Ա՛խ, Աստուած, այս զաւածիս ալ պիտի աւնես» : Նախախնամութեան անդանալի որոշումն էր :



Յուլիսի ախոնուր առաւօտ մ'էր, երկինք տժգունած եւ մթին, արեգակը երեւմն կարմիր գոյնով մը երեւան կուգար եւ սակայն շուտով կը ծածկուէր ամպերուն տակ, շառագունեալ, սեւ, եւ նսեմ ամպերը իրենց թերերուն վրայ ախուր իրականութեան մը գուծկանը բարձած կը բերէին : Յակոբ հոգեվարք էր : Այդ օրը ամպամած, լուռ եւ անշշուկ անցաւ, ժամը տասներկուքի ատեն արեգակն ան-

գամ մ'եւս երեւցաւ՝ բայց շուտով իր ցոլքերը ետ ժողվեց եւ այս ժամանակ Յակորի կեանքին փառայել արեգակը իր վերջին ճառագայթները յետըս կոչեց՝ ալ չծագեցնելու պայմանով։ Յակոր մեռաւ, Մութը կոխած էր, երկինք սկսաւ բարակ անձրեւ մը տեղացնէ՝ կարծես թէ զղաց այդ հարուածը տալուն եւ այժմ ինք եւս կը մասնակցի այդ սուզին։ Այլեւս Տիկին Յովհաննէսի տագնապը անհնարին էր, եւ սուզը անվերջանալի, «Ա.Ի» ըսած ժամանակ ամբողջ ներկայ եղող անհամները կ'ելքարականացնէր, յարտասուս կը փղձկեցնէր, ո՞ւրկէ կը բղխէին այդ անհատնում «ախ» երը, — Ճիշտ սրտին վրայէն։

Այն գիշերը բոլոր ազգականները ու բարեկամները այդ տիսուր տան մէջ ժողովեցան եւ սկսան լալ. կէս գիշեր էր եւ ոմանք սկսեր էին թմրի՝ լսկ. սգաւոր տիկինը մինչեւ լոյս չքնացաւ, եւ իսկ սգաւոր տիկինը մինչեւ լոյս չքնացաւ, եւ ո՛վ գիտէ գեռ քանի՛, քանի մոռայլ գիշերներու խոր եւ անդորր լուսթիւնը իր հեծկանքներովը պիտի վրդովէր։ Յաջորդ օրը հետզհետէ տունը լեցուեցաւ օրիորդներու, մանկամարդ տիկիններու եւ պառաւներու բազմութեամբ, ամենքն ալ միօրինակ աեւեր հագուած։ Օրիորդները ծաղկեպսակներ, տիկինները ծաղիկներ ու մոմեր, իսկ պառաւները խունկեր ու մոմեր բերեր էին զարդարելու համար խունկեր ու մոմեր բերեր էին զարդարելու համար վաղամեռիկ ողբացեալը։ Խե՛ղճ Յակորի անկենս դան մարմնոյն՝ ճերմակ, գեղեցիկ հագուստ մը հացցուցեր էին որուն մէջ թաղուողն կարծես թէ մեռնող մը չէր՝ այլ հանդարտ եւ անդորր քնացող մը։ Ճեփ ճերմակ էր այժմ Յակոր եւ մէկուն համը։

շատալը չէր գար թէ ան մեռած էր, այնչափ լացերուն եւ պոռչտուքներուն մէջտեղ կարծես թէ Յակոր պիտի արթնար, իր դէմքը սնարին կերեւ վառուող մոմերէն աւելի կը փայլէր, իսկ զանազան ծաղկեփունջները իրենց տիսրանոյշ գոյները կարծես թէ ննջեցեալին փոխանցեր էին։ Այս ժամանակ Տիկին Յովհաննէս խիստ սրտայոյզ եւ աղեկառը տեսարան մը պարզեց. հառաչելով իր տանը փոքրիկ պարտէջը վազեց եւ նոր բացուած ցողաթուրմ վարդ մը փրցնելով եկաւ ներս, զայն թրջեց իր արցունքներով եւ ըսաւ. — Զաւակս, Յակոր, այս նոր բացուած վարդին նման էիր, բայց մեռար. — Եւ անմիջապէս վարդը երկուքի բաժնելով զաւակին անկենդան դիսկին վրայ դրաւ եւ ըսաւ. — Այս վարդին նման էիր, բայց խամրեցար, ինչպէս որ այս վարդը պիտի խամրի։ Այս տեսարանը այնքան սրտաշարժ եղաւ որ՝ բոլոր ներկայք սկսան լալ եւ պոռալ։ Ժամանակը բաւական ուշ էր՝ գուրաը պատրաստուած էր փոքրիկ սնառուկը նոճիներով զարդարուած՝ որոնց միօրինակ սեւ կանանչութիւնը հետզհետէ կ'ընդհատուէր յուզարկաւորաց բերած գոյնզգոյն ծաղիկներով։ Քիչ վերջ հասան չորս քահանայներն եւ բազմաթիւ յուզարկաւորք, սենեակին մէջ մահաթոյը լուսթիւնը մը կ'իշխէր. քահանաները իրենց սեփ սեւ ժամազգեստները հագած քաղցր ձայներով ննջեցեալին կարդը սկսան կատարել՝ իսկ իրենց կախ եւ խոժոռ դէմքերը տեսարանը աւելի տիրալի կը կացուցանէին։ Եկեղեցիին զանդակը լնդհատ ընդհատ սկսաւ հնչել, յուղարկաւորք իրենց մահատեսիլ թափօրը կաղմե-

յին. Յակոբ մնտուկին մէջ զրուեցաւ՝ խեղճ մայրը զգայազիրկ ինկաւ, սակայն զրացիք շուտով դեղերու միջոցաւ սթափեցուցին զայն։ Տիրացուներուն մեղմ եւ ախրանոյշ մեղեղիով թափօրը ըստ կսաւ յառաջանալ մինչդեռ միւս կողմանէ զանդակին ընդհատ ընդհատ դողանչիւնը խառնուելով մեղեղիին հետ, խիստ ախրանոյշ ողբերգութիւնը մը կը յօրինուէր՝ որուն իւրաք յուղարկաւոր բազմութիւնը յարտասուս կը փղձկի։ Տուներուն պատուհանները օրիորդներու եւ տիկիններու բազմութեամբ լեցուած էին որոնք կէս մը զուրս կախուած՝ անդամ մ'եւս կ'ուզէին տեսնել Յակոբի հրեշտականման զէմքը՝ մինչդեռ միւս կողմանէ ալ անհամար ծաղկիներ եւ լավանդաներ կը թափէին անոր վրայ, թափօրը եկեղեցի մտաւ՝ հոն եւս կարճ կարգ մը կատարուելէ վերջ հէ՛գ Յակոբը ուղղակի գերեզման, հաւասարութեան քաղաքը՝ յաւիտենականութեան դուռը տարին եւ յանձնեցին սեւ ու խոնաւ հողին։



Տիկին Յովհաննէս իր երեք զաւակներովը մնաց եւ այժմ մեռնողներուն սէրն ալ այս երեքին վրայ կեզրոնացնելով կը գուրգուրար, երբեք չէր ուզեր որ անոնցմէ մին քովին հեռանար, պահպանիչ հրեշտակի պէս իր թեւերը անոնց վրայ տարածած էր, այս երեքն էին իր բոլոր կեանքը, սէրը եւ ապազան,

ինք որ բնականէն զուարթ եւ քիչ մ'ալ շատախօս կին մ'էր՝ այսօր բոլորովին հակառակը կը գտնենք. ժպիտը ա՛լ չվերագառնալու պայմանաւ իր դէմքին վրայէն փախած է, երբեք չուզեր խօսի՝ այլ իրեն համար միայնութիւնը ընտրեց, փողոցին անցուղարձը, քաղաքին երեկոյեան ժխորը, արտասովոր ոգեւորութիւնը, տեսարաններուն գեղեցկութիւնը, երաժշտական գործիներուն հոգեսարսուս մեղեղիները իրեն համար այսեւս երբեք կարեւորութիւն չունէին, այնուհետեւ միշտ ցաւերովը եւ հոգերովը առանձնացաւ։

Սակայն մինչ տարիները կը սահէին, կ'անցնէին, Տիկին Յովհաննէս չուզեց որ իր զաւակները մեծնան կոչտ եւ անկիրթ, չուզեց որ անոնք տպէտ մնային եւ վերջն ալ իր յիշատակը անիծէին, չուզեց որ անոնց բովանդակ կեանքին խեղճութեանը պատճառը ըլլար, ուստի անոնց հիմնական գաստիարակութիւն մը տալու համար երկարօրէն խորհեցաւ, ծրագիր պատրաստեց, այլեւայլ վարժարաններու ծրագրերը քննեց՝ զանոնք իրարու հետ բաղդատեց՝ եւ վերջապէս որոշեց աղջիկը՝ Մարիամը, հեռակայ քաղաքի մը գիշերօթիկ վարժարանը զրբեկի. Պէտք եղած թղթակցութիւնները վարժարանին Տնօրէնութեան՝ հետ կատարելէ վերջ՝ շաբաթէ մը զրկել որոշեց. ուստի սկսաւ անոր ճանբորդական պիտոյքները հայթայթել։

Աղջկանը մեկնումէն չորս օրեր առաջ Տիկին Յովհաննէս երեք զաւակները առնելով գնաց փորոկրաժճի մը եւ խմբովին իրենց լուսանկարները քաշել տուաւ։ Մի քանի օրեր վերջ այդ լուսա-

Նկարները իրենց յանձնուեցան՝ սրոնցմէ մին Տիկին Յովհաննէս աղջկանը ճանբորդական սնտուկին մէջ դրաւ.

Բաժանման օրը եկած էր, բեռնակիր մը գալով անկողինն ու սնտուկը շալիեց եւ նուահանգիստ իջ ու որմէ քիչ վերջ Տիկին Յովհաննէս շատ մը ազգականներու եւ բարեկամներու հետ նաւամատոց իջաւ աղջկանը ողջերթ մաղթելու՝ երբ նաւամատոց հասան՝ քառորդի մը չափ մէկ կողմ ոտքի վրայ կեցան՝ խեղճ մայրը աչքերը աղջկանը սիրուն դէմքին վրայէն երբեք չզատեց. շոգենաւը անընդհատ կը սուլէր, եւ ծխնելոյզէն անվերջ մուսերու սեւ ու թանձր սիւնակներ թող կուտաք որոնք իր մեկնմանը ազգարար նշաններն էին. Հրեայ մունեափիները իրենց միօրինակ պոռչութաները — պաֆոռ քալքեօ՛ր — ձգած էին, հապճեպ մը, աճապարանք մը կար ճանբորդներուն մէջ՝ ամեն ոք մակոյկ կը վաղէր. Հուսկ ուրեմն բաժանման դառն վայրկեանը հասաւ, ա՛լ նաւակին մօսեցան, աղջիկը իր վերջին հրաժեշտը տուաւ — Մնաս բարով մայրիկ, — եւ ձեռքը համբուրեց. իր մնասբարովի վերջին դողդոջ եւ բեկրեկ ձայնը գնաց եւ մինչեւ մօր սրտին սրբազան սենեակը մանելով դպաւ անոր հոգիին, վերիվայր դորդեց անոր էութիւնը, ջլացիկ ըրաւ զայն, սարսուռ մը, պաղ հոսանք մը անոր զլսէն մինչեւ ոտքերը ողողեցին, խեղճ մայրը կո՞ր կոր արցունքներ թափելով զըրեթէ մարած եւ հատած ձայնով մը ըսաւ. Երթաս բարով, աղջիկս, Սստուած հետդ ըլլայ, երկնաւոր Թագաւորը քեզ ամեն փորձանքներէ եւ վտանգներէ

պահէ — փաթտուեցաւ անոր վիզը, սեղմեց զայն իր կուրծքին վրայ, անզամ մ'եւս իրենց սրտերը մէկանու բարախսեցին, իր արցունքներովը զայն ողողեց եւ անոր այտերէն երկու խնձորներ քաղելով նաւակի իջեցուց. Ա՛լ բաժնուած էին, հաղորդակցութեան թելը կտրուած էր, մէկ երկու վայրկեաններ ալ թաշկինակիններու ծածանումներով իրարու հրաժեշտ փոխանակելէ վերջ աղջիկը շոգենաւ մտաւ. որ քիչ յետոյ սկսաւ յառաջանալ՝ իր մեծ անիւներուն ուժգին հարուածներով պատուակելով անդունք ծովուն հսկայ կուրծքը՝ իր երկու կողմին վրայ բամբակէ լեռներ դիզելով։ Տիկին Յովհաննէս դեռ երեւակայութեամբ, հոգիով եւ սրտով կը հետեւէր սրտին հատորիկին — աղջկան —. սպասեց հոն մինչեւ որ շոգենաւը կորսուեցաւ հորիզոնին մէջ։ Տիկին Յովհաննէս տխրութեամբ համակուած տուն վերադարձաւ՝ սակայն գերագոյն գիտակցութեամբ մը վառուած թէ օր մը իր աղջիկը վարժարանին շրջանը պիտի աւարտէր, ուսեալ պիտի ըլլար ու պիտի վերագառնար իր սիրաջերմ բունիկը, եւ քանի որ ասոնք կը յիշէր ա՛լ մխիթարուած էր.



Ք Ա Ա Խ Ե

Տիկին Յովհաննէս աղջիկն ալ գիշերօթիկ վարժարան մը զրկելով մնաց երկու զաւակներուն կառապետի եւ Յարութիւնի հետ :

Ոլբացեալ ամուսինը, Պ.Յովհաննէս, իբրեւ ստացուածք, խարխուլ տուն մը եւ արտ մը ձգած էր եւ փոքրիկ գումար մ'ալ ստակ զրեթէ ոչինչ, սակայն իր եւ զաւկին յուզարկաւորութեանց առթիւ բաւական ծախք լինելով նաեւ աղջկանը տարեթոշակն ալ վճարեց. այսպէս այդ գումարը կէս եղաւ՝ միւս կէմն ալ Տիկին Յովհաննէս պահած էր որպէս զի աղջկանը վարժարանին տարեթօչակները յաջորդաբար վճարէր : Տիկին Յովհաննէս երբ որբեւարի մնաց գեռ քամնըութը տարեկան էր, խարտիշահեր, միջահասակ, գեղեցիկ եւ քիչ մը գիրուկ՝ շատեր իր ձեռքը խնդրեցին՝ սակայն տիկինը մերժեց կրկին անգամ ամուսնանալ, որովհետեւ գիտէր թէ այսպէս ընելով զաւակները խեղճ պիտի ըլլային, աւելի ընտրեց ամեն զրկանք կրել, ամեն նեղութիւն քաշել — թէ կերակուրի, թէ հանդերձի եւ թէ ամեն բանի, քան թէ վայելել ամեն բան եւ իր զաւակները խեղճ ձգել : Ուստի որոշեց զաւակներովը քաշուիլ խարխուլ տան մէջ եւ համեստութեամբ աշխատելով ապրիլ ու ապրելով զամոնք :

Տիկին Յովհաննէս ուրիշ կիներուն պէս չէր կրնար դաշտերուն մէջ աշխատիլ, որովհետեւ խիստ փա-

փուկ էր՝ զի տղայ հասակէն փայփայանքներով, գուրզուրանքներով եւ բիւր նազանքներով մեծած էր՝ եւ բնտկան էր որ երկրագործական ծանր աշխատութեան մը չկարենար զիմանալ, սակայն ոստայնանկութենէն քիչ մը կը հասկնար, որովհետեւ երբ 14-15 տարեկան էր զուարձութեան համար զրացիներուն տուները կ'երթար, եւ ընկերուհիներուն թէզիեանը մտնելով կը գործէր՝ այդ ժամանակէն քիչ շատ միտքը մնացած էր, ուստի խորեցաւ մէկ քանի օրեր ալ վարպետի մը քովն երթալ եւ լաւ մը տիրանալ այդ արհեստին : Մտագրութիւնը գործադրեց եւ յաջողեցաւ՝ ուստի կանչեց հիւմն մը եւ տանը մէկ անկիւնը թէզիեան մը լարել տուաւ եւ սկսաւ առտուն կանուխ ելնելով գործել ու գործել, մինչեւ իրիկուն, ուշ տաեն. ահա այս էր իր մշտահեւ աշխատութիւնը, երբ գործը լմննէր, կը ժողվէր երկու զաւակները եւ անոնց հետ չոր ու ցամաք ճաշ մ'ընելէն վերջ անկողին կը մտնէր :

Ամեն երեկոյ — ժամը ութէն վիրջ — Տիկին Յովհաննէսի բնակած թաղին մէջ մեծ ոգեւորութիւն կը տիրէր, ամեն անհատ գործը ձգածին պէս կուգար, կը միանար այդ զուարթութեան եւ ոգեւորութեան՝ զորոնք վայելելով պահ մը կը մոռնային իրենց առօրեայ հոգերը, խոնջանքները, ասոնցմէ զատ մարմնաւորապէս կը կազզուրուեին վայելելով այն թարմ եւ զով երեկոյեան զեփիւռը Տիկին Յովհաննէս ալ նոյն սովորութիւնը ունէր երբ այրը ողջ էր, բայց հիւմ բոլորովին փոխուած՝ բնաւ զուրս ելնել չէր ուղեր՝ կ'աշխատէր մէկ մութէն մինչեւ միւս մութը եւ իր գժբաղզութիւնները կը յիշէր,

կը մրմնջէր միշտ տխուր յանկերգի մը պէս՝ եւ զորոնք կ'երգէր տեսակ մը ողբերգական եղանակով մը։ Այս տիրութիւնը յաճախ կը փարատէր այն նամակներէն՝ զրոնք իր աղջիկը՝ Մարիամ վարժարանէն կը զրկէր բացատրելով հանգստութիւնը եւ յառաջադիմութիւնը, սակայն խեղճ մայրը այս անգամ ալ զգացած ուրախութենէն յարտասուս կը փղձկէր։

ԳԼՈՒԽ.

Անան արտում առաւօտ մ'է, դեղին եւ բոցագոյն ամպեր ամեն կողմ պատառ պատառ տարածուած կ'աղտոտեն վճիտ կամարը, այդ ամպերէն երբեմն արեգակը կը քամէ իր ճառագայթները՝ որոնք գեղնոտած բոյսերը քերելով միապաղաղ, ցուրտ ներդաշնակութիւն մը կը ներկային աչաց, մահաշունչ խորշակ մը ամեն կողմ կը թուշտի եւ իր ցամքեցուցիչ համբոյըներով կը մեռցնէ բոլոր կանանչ բոյսերը. այս ազգեցութեան տակ բոլոր ծառերուն աերեւները գոսանալով գետին կը փոռւին, բոլոր այգեստանները, ծառաստանները եւ անդաստանները, արտուութեամբ համակուած՝ կարծես կը գութեն ձմեռ մը մահասփիւռ։ Ծիծեռնակները եւ տառեղները իրենց թափօնները կազմած հապճեպով այրեցեալ գոտին կը չուեն։ Այն նոյն առաւօտն ալ Տիկին Յովհաննէս արթնցաւ խիստ տխուր որովհե-

տեւ իր աղջկանը վրայ գէշ երազներ տեսնելով գիշերը խիստ անհանգիստ անցուց, զրեթէ հինգ, վեց օրեր նոյն անհանգստութիւնները, նոյն երազները անցուց՝ այնպէս որ սկսաւ ինքնիրեն զանազան մեկնութիւններ տալ, եւ քանի որ աղջիկը քովը չէր, իր խորհրդածութեանց չարագուշակ վախճանը անոր վրայ կը կեղրոնսացնէր՝ ըստ որում անհամբեր նամակի մը կ'սպասէր։ Արդէն իրենց սովորական նամակագրութիւնը տասն եւ հինգ օրը անգամ մը կ'ըլլար, բայց այս անգամ 5-6 շաբաթներ անցեր էին։ Տիկին Յովհաննէս ի զուր կը հարցափորձէր ամեն իրիկուն նամակ ցրուող պաշտօնեան, ա՛լ կասկածի տեղի չկար, իր տեսած մթին եւ տխուր երազները նախազգացումներն էին չարագուշակ վախճանի մը։ Մէկ, երկու նամակներ ալ գրեց, մին աղջկան, եւ միւսը Տնօրէնութեան՝ յայտնելով միանգամայն թէ եթէ ասոնք ալ անպատասխանի մնային՝ անմիջապէս հեռագիր պիտի քաշէր եւ եթէ հեռագրին փոխարէնն ալ գոհացուցիչ պատասխան մը չառնէր, անձամբ պիտի երթար աղջկանը քով։ Նամակները գրեց եւ զրկեց։ Տիկին Յովհաննէս գործանենեակը քաշուած տխուր եւ տրտում կ'զբաղէր, նուազկոտ աչքերը աղջկանը լուսանկարին վրայ յառած՝ որուն մեկնելէն ի վեր վայրկեան մը հեռացուցած չէր աչքէն։ Յանկարծ դռան ուժին բարախուիլը լսեց՝ խոլակա՛ն, տարօրինա՛կ, անսովո՛ր բաբախում մը։ անմիջապէս պատուան վազեց եւ երբ տեսաւ որ նամակատան ցրուիչն էր, ուժգին կերպով ցնցուեցաւ, ցուրտ սարսուռ մը չլածգորէն վրդովեց էութիւնը՝ աչքերը նուա-

զեցան, ծունկերը կթոտեցան, հաղիւ հազ կրցաւ լիսթոք շունչ մ'առնել՝ ուժապառ եւ ճարահանտ վար իջաւ սանդուխներէն, բայցաւ գուոը եւ տարտամ նայուածք մը ձգեց բոլոր նամակներուն վրայ՝ միշտ ահով ու դողով՝ զի մի գուցէ վարժարանէն իրեն դրկուած նամակը ունենար մահազգարար սեւ նշանը : Յայց այս անգամ իրեն եկածը նամակ չէր՝ այլ հեռագիր մը տիկինը երբ այս հեռագիրը ընդունեց՝ քիչ մը չփոթեցաւ եւ վայրկեան մը վարանման ու մատածումներու քառովին մէջ մնաց իրականութիւնը հասկնալու համար վաղեց զբացիին տղուն՝ որ սկսաւ հեռագիրը հայերէնի թարգմանել.

« Զեր աղջիկը Օր. Մարիամն խիստ հիւանդ է՝ հաղիւ կրնաք համնիլ :

ՏԵՍԹԻՆ

Դեռ հեռագրին պատճէնը բոլորովին չլմնցած խեղծ տիկինը շանթահարուեցաւ, զգայաղիրկ ինկաւ գետին, սակայն անմիջական օգնութեանց չնորհիւ խելքը գլուխը եկաւ, սկսաւ բարձրագոչ աղաղակել — « Ո՛վ երկինք, մինչեւ Ե՞րբ պիտի հարուածես զիս, երակիներուս արիւնը ցամքեցաւ, աչքերուս լոյսը նուաղեցաւ, թոշնեցաւ կեանքիս ծաղիկը, մարեցաւ հոգիիս ճրագը՝ բաւակա՞ն է, բաւակա՞ն, ո՛վ անդութ երկինք, լուագոյն է ինձ համար մեռնիլ՝ քան թէ ապրիլ : Այրի՛լ ու այրիլ զաւակներուս սիրուն անսպառ կրակովը, ո՛հ, մաշեցաւ ամբողջ էութիւնս, կատարեալ կմախք մը դարձած եմ, ա՛ռ իմ կեանքիս օրերն ալ եւ տուր զանոնք զաւակացս, զի անոնք գեռ նոր

բացուած ծաղիկին նման են, առաւօտեան եւ երեկոյեան զով զեփիւոք գեռ նոր պիտի փայփայէ անոնց հոգիները, անոնց ի տես պիտի դայլայլէ սուխակը՝ ցողը գեռ իր զովացուցիչ համբոյրները զրոշմած չէ անոնց պաղպաջուն ճակատներուն վրայ, թող ես մեռնիմ ու չտեսնեմ անոնց մեռնիլը, քանի որ ապրիլը եւ կեանքը նպատակ մ'ունին՝ ինչո՞ւ համար քու անդառնալի վճիռդ կը դրկես, կը կարես անոնց կեանքին թելը եւ կը յանձնես զանոնք սեփ սեւ, ցուրտ եւ խոնաւ հողերուն : Հոգիս է որ կը կարես, ո՛հ, ապրիլ միայն ողբալու համար, ապրիլ միայն հրեշտակներու նման զաւակներուս մահը տեսնելու համար, ապրիլ միայն հարուածուելու համար, ո՛հ, այս կեանքը չարժեք ապրիլ » :

Սյս խօսքերէն վերջ վայրկեան մը լոռութիւն մը տիրեց եւ Տիկին Յովհաննէս կարծես զղջացած նախախմամութեան գէմ վերցուցած բողոքներուն, սրտին խորերէն հառաջ մը արձակեց — Կամք Տեան օրհնեալ եղիցի:

Սակայն անտանալու ժամանակ չկար, Տիկինը տուն վագեց ճանբորդութեան պատրաստուելու, եւ որովհեաւ ուրիշի կտաւ գործած էր՝ բաւական ստակառնելիք ունէր, մինչեւ իրիկուն ժողվեց զանոնք կազմ եւ պատրաստ՝ յաջորդ օրը մեկնելու :

Տիկին Յովհաննէս այս իրիկունը կանուխ պառկեցաւ եւ յաջորդ օրը կամուխ ելնելով Յարութիւնը յանձնեց զրացիի մը ինսամքին, իսկ Կարապետը հետք առաւ՝ որպէսզի Պոլիս հօրեղբօրորդին քով ձգէր . որովհեաւ արդէն աշնան վերջացող շաբաթը ըլլալով ցորեկը շատ կարծ էր,

հետեւաբար շոգենաւը շատ կանուխ՝ գրեթէ մութ ատեն ճամբայ կ'ելնէր : Այս ատեն Յարութիւն դեռ անուշ քնոյ մէջ էր, Տիկին Յովհաննէս քանի մը տաքուկ համբոյրներ առնելէ վերջ՝ Կարապետին հետ նաւամատոյց իջաւ . շոգենաւը սկսած էր յաշախ յածախ սուլել, ուշ մնացող քանի մը ճանրորդներու հետ Տիկինն ալ ներս մտաւ՝ մինչ նաւապետը մեքենավարին (Tigrn սր) դըրն ըփ, կը պոռար, եւ մեքենավարն ալ՝ հնոցպանին (Fire up) փայր ըփ : Շոգենաւին սուլելն ու սուրալն մէկ կ'ըլլայ՝ որ Յունական Մատնելտա սրընթաց շոգենաւն ըլլալով՝ սկսաւ անհուն հեղուկ մարմինը պատուել, անոր գոռ կոհակները փշրել, եւ մինչդեռ խրոխտաբար լիաշոգի կ'ընթանար արհամարհելով փոթորիկը եւ ծովուն մոռալ կոհակները՝ միւս կողմանէ լրթա՞կապոյտ ծովը շոգենաւին ահազին ցառեկին, կուրծքին եւ անիւներուն տակ ճերմակ փրփուրի կը փոխուէր : Նաւը յաջորդաբար քանի մը նաւահանգիստներու հանդիպելով բաւական ժամանակ կորսնցուցած էր եւ այսպէս օրը տարաժամած լինելով խորունկ մթութիւն մը փոռուած էր ծովուն եւ ցամաքին վրայ՝ զորոնք իրարմէ միայն նաւապետի մը սրատես աչքերը կրնան որոշել՝ հիմա այս միազանգուած խաւարակոյտին մէջէն՝ հեռուն, աղօտ կերպով կը փայլէր Սան Մթեֆանոյի փարոսին լոյսը՝ որուն բեկեկ եւ աղօտ ճառագայթները կուգային հանգչի շոգենաւին բազուկներուն մէջ՝ ինչպէս վերջալոյսին նուալկոտ ճառագայթները կը հանգչին բարձր լեռներու գագաթներուն վրայ, քիչ քիչ անոր մօտենալով այն ան-

ձուկ, խաւար հորիզոնը խիստ ընդարձակուեցաւ, հետզհետէ լոյսեր սկսան երեւան գալ, տակաւ յառաջանալով մէկէն ի մէկ փարոսը հրաշալի տեսարանի մը փոխուեցաւ՝ լուսեղէն անհուն աշխարհ մը կը ծփծփար եւ կը տարածուէր ճանրորդներուն առջեւ. Պոլիսը, այն մեծ ու շքեղ Պոլիսը, լուսածոր կանթեզներու բազմերանգ լոյսերովն ողողուած՝ աւելի գիւթիչ, վիպական, մողիչ եւ բանաստեղծական երեւոյթ մ'առեր էր, բոլոր ճանրորդները շոգենաւին պատշգամին վրայ ելած բերկրախառն հիացումով մը կը զիտէին այդ չնաշխարհիկ, խորհրդաւոր եւ լուսաշող համայնապատկերը՝ որոնք յապուշ կրթած, ալլալած եւ բոլորովն յափշտակուած կը բացագանչէին — Ալէն չէրի — : Այս մողիչ եւ հրաշալի տեսարաններուն հանդէպ միայն Տիկին Յովհաննէս անտարբեր կը մնար, իրեն ոչ մէկ բան հետաքրքրական կը թուէր, թախծալից եւ տրտում նստած, աննկարագրելի վշտերով համակուած՝ ամեն մէկ վայրկեան իրեն համար տարիի մը չափ տեւողութիւն ունէր . եթէ կարենար՝ թեւեր պիտի առնէր եւ թռչտելով աղջկանը քովը երթար : Շոգենաւը Պոլսոյ նաւահանգիստը մտաւ. վայրկեանի մէջ բազմաթիւ մակոյիներ գալով բոլոր ճանրորդները ցամաք փոխադրեցին : Տիկին Յովհաննէս կառը մը վարձելով մայր եւ տղայ ուղղակի Բերա, իրենց ազգականին տունը գացին : Տիկին Յովհաննէս վարժարանի տեսչին հեռազիրը տան տիրուհիին պատմելէ վերջ — որոնք խիստ յուզուեցան — ներողութիւն խնդրեց անկողին երթալու՝ որուն անմիջապէս թոյլ տրուեցաւ :

Ժամը ճիշդ գիշերուան հինգն էր՝ յաջորդ օրն ալ
խիստ կանուխ ելնել պէտք էր՝ ուստի Տիկինը մի
քանի ժամ յաճախ ընդհատուած քուն քաշելէ վերջ
շրջակայ եկեղեցիներուն զանգակաց զօղանջիւնները
լսելով արթնցաւ, անմիջապէս ելաւ, հագուեցաւ.
տան Տիրուհին ալ ելնելով նախաձաշիկ մը պատ-
րաստեց, կարապետ երազներով կը խորդար : Տի-
կին Յովհաննէս նախաձաշն ընելէ վերջ կառք մը
հեծնելով նաւամատոյց իջաւ եւ մակոյկ մը վարձե-
լով շիտակ Սեւ ծովի շոգենաւը մտաւ : Երբ շոգե-
նաւը ճանքայ ելաւ՝ գեռ Պոլիսը նոր կ'արթննար
իր երազներէն . տակաւ յառաջանալով Վոսփորի
նեղուցը մտաւ, Տիկինը սկսած էր ուրախանալ՝ ո-
րովհնետեւ զաւակին կը մօտենար. Զմրան եղանակին
առաջին շաբաթն ըլլալով՝ Վոսփորի հրաշալի եւ
ակնախտիկ տեսարանները գարնան եւ ամրան ե-
ղանակին ունեցած փառքին ու փայլին հակապատ-
կերն էր. Շոգենաւը ա'լ Սեւ ծովը մտած էր՝ որուն
տժգունած եւ սեւ ու տիսուր ալիքները կուգային
բռնաշունչ ծեծել շոգենաւը՝ որոնց աղդեցութենէն
նաւը մերթ երկինք կը բարձրանար եւ մերթ ան-
դունդը կը սուզուէր : Մոալլ ծովուն ետեւ Տիկին
Յովհաննէս կ'ըսէր իւրովի . « Այս ծովերը ի՞նչ են
վշտացս անհուն ովկէանոսին քով, այս ալիքները
չեն կրնար արհաւերք աղդել ինձ՝ զի ասոնք ման-
րանկարներն իսկ չեն այն ալիքներուն՝ որոնք գի-
շեր ցորեկ կը ծեծեն սիրաս ու հոգիս, ո՞հ, վըշ-
տացս անհուն ծովը միշտ մրրկած է : » Երկար
ճանբորդութենէ վերջ Սեւ ծովուն վերջին ծայրը
խիստ հեռուէն կ'երեւար՝ ճանբորդներու առջեւ

կմախաձեւ ցցուած կը կենար Եորոս զլուխը՝ ո-
րուն ետեւը մշուշի մէջ թաղուած, հազիւ տեսա-
նելի եւ որոշակի, կը կենար քաղաքը : Տակաւ
յառաջանալով հետզհետէ շրջակայ լեռներուն եւ տե-
սարաններուն գեղեցիկ համայնապատկերը սկսաւ ե-
րեւնալ՝ որուն քիչ վերջ յաջորդեց քաղաքին փառա-
ւոր նաւահանգիստը՝ ուր շոգենաւներ կ'երթեւէկէին։
Տիկին Յովհաննէսի նստած րըմօրիշօրը խարսխեց
եւ սննմիշապէս՝ բոլոր ճանբորդները հապճեպով
գուրս եղան՝ այս ատեն բեռնակիր Խաչոին, Մըկոին,
եւ Կըկոին խուլ պոռչառուքները կը վրդովէին
քաղաքին խոր լուռթիւնը՝ զի ժամը երեքն ըլ-
լալով ամեն մարդ տուն քաշուած էր : Բարեբաղ-
դաբար բնունակիրներէն էն լուրջը — Խաչո աղ-
բարը, գալով խոպոտ ճայնով մ'ըսաւ Տիկինին,
Քուրիկ վէօր կիյաս :

Տիկ. — Ecole Française (էքոլ Ֆրանսէզ) :

Խ. — Ֆէօլ Ֆիբէնկիսթան չէ քուրիկ :

Տիկ. — Ֆրանսարզ մէքթէպին :

Խ. — Հա՛, պոնճոռոն մոնճոռոն կ'ըսեն նէ ա՞ն
մէքթապը :

Տիկ. — Այո :

Խ. — Ֆէօն է անի՝ ըսելով շալկեց բեռները եւ
սկսաւ խոշորաքայլ յառաջանալ՝ որուն հազիւ հազ
Տիկինը գաղելով կը համնէր. հինգ վայրկեան վերջ
մեծ երկաթէ դրան մ'առջեւ բեռնակիրը կայնե-
ցաւ եւ սկսաւ բարախել՝ որուն ճիշդ ճակատին
վրայ — Ecole Française — գրուած էր. անմիշա-
պէս սպասաւոր մը գալով գուռը բացաւ եւ կոչտ
ճայնով մը հարցուց — ո՞վ կ'ուզէք: Խաչո ախպա-

ըը լաւ կերպով սորվեր էր ուրիշները բրեգանդին ընել՝ ուստի ներկայացուց Տիկինը Տիկին Յովհաննէս այս բոլոր խօսակցութեանց մէջ լուս կը կենար, որովհետեւ յուզուած էր, սիրաը արտասովոր կերպով կը բարախէր, կասկածի մէջ էր՝ թէ արդեօք իր սիրուն աղջիկը այդ հիւանդութեանէն ո՞ղջ էր թէ մեռած. ներս հրամցուեցաւ ու անմիջապէս Տնօրէնութեան սենեակը գնաց եւ առաջին հարցումը եղաւ, — « Աղջիկս ո՞ղջ է, տեսնեմ: Տնօրէնը թող պիտի տար, սակայն վարժարանին բժիշկը արգիլից առարկելով թէ հիւանդը իր ծանր վիճակին մէջ — մանաւանդ գիշեր ատեն — իր ծնողաց ներկայութիւնը տեսնելով՝ ուրախութեան անօահման յուզումէն կրնար գէ ազգեցութեան մը մատնուիլ՝ որուն թերեւս ամենասոսկալի հետեւանք մը անխուսափելի կը լինի: Ուստի Տիկինը յակամայս արգիլուելով սեղանատուն առաջնորդուեցաւ՝ ուր քանի մը պատառ ճաշելէ վերջ պառկիլ գնաց. սակայն այն գիշերը հէզ Տիկինը բնա՛ւ չքնացաւ, որովհետեւ կը կարծէր թէ աղջիկը մեռած էր եւ գէթ մէկ գիշերուան մը համար իրմէ կը պահէին: Ա՛խ ո՞րքան դժուար է վշտերու ժամանակ վայրկեաններ համբել, այդ գիշերը Տիկինոջ համար տարի մը երեւցաւ: Արշալոյսին կանուխկեկ ելաւ, եւ անհանդիստ, հագուելով բժշկին գնաց եւ սրտաշարժ պաղատանքով մը խնդրեց անկէ աղջկանը քով երթալ, երբեմն այսպիսի աղեկտուր հառաջներու առջեւ բժիշկներու քարացեալ սրտերն իսկ տեղի կուտան, անոնց գթոյ զգացումները կ'արթննան: Այս բժիշկն ալ այդպէս եղաւ, հասկալ սեղակը մարմինը աղջկանը տարձեալ արցունքը տարաւ, ծռեցաւ, համբուրեց աղջկանը տմոյն այտերը՝ որոնք պահ մը կարմրեցան, կամար յօնքերը, վարդագոյն եւ վարդիթերթիկներով ճեղքուած բարակ շրթունքը եւ աղջիկն ալ փոխադարձաբար, սակայն մէկն ի մէկ այդ արցունքներու հեղեղներուն մէջէն աղջկանը դալուկ եւ գունատ դէմքին վրայ ժպիտ մը փայլեցաւ. ա՛խ, ո՞րքան տնուշէ արցունքներու մէջ ժպիտը, անոր քաղցրութիւնը ոչ ոք կրնայ լուծել, այդ ժպիտը արդէն ինքնին փիլիսոփայութիւն մ'է: Ա՛շ աղջիկը վախի տեղ մը չունէր, մայրն էր քովինը՝ որուն սրտէն ինք փըրթած էր, այսուհետեւ մայրն էր որ պիտի ինսամէր զինքը գուրգուրանքով եւ խանդաղատանքով, որքան արբերութիւն կայ մօր մը փափուկ՝ իսկ օտարի մը կոշտ ձեռքին մէջտեղ: Շատ ու շաթեթեւցան խեղճին ցաւերը: Աղջիկը երթալով կ'առողջանար՝ որուն դէմքին վրայ դարձեալ ուրուագծուեցաւ իր նախկին հրեշտակային դէմքը, միայն շատ նիհար էր՝ կմախք մը կատարեալ:

մայրը ի՞նչ տագնապներու մէջ կը տարուքերէր, ուստի նախ ինք գնաց եւ լաւ մը ինսամելով զարմանելէ վերջ՝ անոր միտքը պատրաստեց եւ վերջապէս յայտնեց իր անուշիկ մօրը գալը՝ որուն հիւանդ աղջիկը իր գոնունակութիւնը եւ անհուն ուրախութիւնը յայտնեց իր տարտամ ժպիտներովն: ո՞հ, իր գալկահար եւ տմոյն այտերը պահ մը կարմրեցան եւ իր գրեթէ անկենդան մարմինը ոգեւորուեցաւ. երերալ սկսաւ. նոյն րոպէին մայրը ներս մտաւ՝ որ թէեւ ջանաց դէմքը ժպավալից ցուցնել՝ սակայն յաղթանակը դարձեալ արցունքը տարաւ, ծռեցաւ, համբուրեց աղջկանը տմոյն այտերը՝ որոնք պահ մը կարմրեցան, կամար յօնքերը, վարդագոյն եւ վարդիթերթիկներով ճեղքուած բարակ շրթունքը եւ աղջիկն ալ փոխադարձաբար, սակայն մէկն ի մէկ այդ արցունքներու հեղեղներուն մէջէն աղջկանը դալուկ եւ գունատ դէմքին վրայ ժպիտ մը փայլեցաւ. ա՛խ, ո՞րքան տնուշէ արցունքներու մէջ ժպիտը, անոր քաղցրութիւնը ոչ ոք կրնայ լուծել, այդ ժպիտը արդէն ինքնին փիլիսոփայութիւն մ'է: Ա՛շ աղջիկը վախի տեղ մը չունէր, մայրն էր քովինը՝ որուն սրտէն ինք փըրթած էր, այսուհետեւ մայրն էր որ պիտի ինսամէր զինքը գուրգուրանքով եւ խանդաղատանքով, որքան արբերութիւն կայ մօր մը փափուկ՝ իսկ օտարի մը կոշտ ձեռքին մէջտեղ: Շատ ու շաթեթեւցան խեղճին ցաւերը: Աղջիկը երթալով կ'առողջանար՝ որուն դէմքին վրայ դարձեալ ուրուագծուեցաւ իր նախկին հրեշտակային դէմքը, միայն շատ նիհար էր՝ կմախք մը կատարեալ:

Երկու ամիսներ եւս անդադար ինսամուելէ եւ դարմանուելէ վերջ բժիշկը տեսաւ որ հիւանդութիւնը անբուժելի էր՝ եւ իր առժամանակեայ առողջութիւնը միմիայն մայրը տեսնելուն արդիւնքն էր, այս տիսուր իրականութիւնը մօրը իմացուցին՝ որ անմիջապէս առանց ժամանակ կորմնցունելու աղջկանը հետ ճանրայ ելաւ ծննդավագրը գալու : Տիկին Յովհաննէս իւր աղջկը վերադարձնելով ծննդավագրը՝ կը յուսար թէ ուրիշ բժիշկներու հոգածութիւնը եւ կամ օգափոխութիւնը բաւական օգուտ մ'ընէր, բայց ի զո՞ւր ։ Եկան քաղաք՝ ուր տամնեւմէկ ամիսներ եւս աղջկը ապլելով՝ գիշեր մը — Աւագ հինգամբթի — խաղաղ եւ անդորր աւանդեց հոգին ցնդեցնելով խե՞զ եւ անբաղդ մօրը բոլոր յոյսերը, ակնկալութիւնները : Տարա՛ւ անոր ամեն մէկ բաղձանքները գերեզման՝ հաւասարութեան յաւիտենական բնակավագրը :

Գ Լ Ո Ւ Խ Ը

Այս յաջորդական բոլոր վիշտերը նսեմացուցին Տիկին Յովհաննէսի տանը փառքը : Մահը ի՞նչ չէ աւրեր, ո՞վ կրնայ դիմանալ անոր մահացունչ եւ ցրտասառոյց համբոյրներուն, բնականաբար այդ վիշտերուն տակ Տիկինը ճմլուեցաւ, իր երեսունեւհինգամեայ կայտառ դէմքը եւ պաղպաջուն

ճակատը իննսունամեայ ծերունիի մը խորշոմներու վը ծածկուեցաւ՝ որուն կոչտ զուգահեռական զծերը կ'երկննային այտերէն վար՝ մինչեւ կզակը Մազերը ծիւնի պէս ճերմկեր էին՝ եւ ինք կատարեալ կմախք մը՝ ուրուակա՞ն մը գարձեր էր, ա՛լ անկարող էր գործելու եւ պահելու իր զաւակները, աակայն Տիկին Յովհաննէսի այս սեւ ճակատագիրը պիտի փոխուէր՝ որովհետեւ կարապետ ուսման խիստ ընդունակութիւն ունէր՝ իսկ Յարութիւն՝ շուկայի քերականութեան : Մի միայն մէկ նկատելու կէտ մը կար, Տիկինը քիչ մ'եւս նեղութիւն պիտի կրէր՝ մինչեւ որ կարապետ եւ Յարութիւն իրենց շրջանը աւարտէն : Այն ատեն երկու եղբայրները թաղային վարժարան մը կ'երթային՝ կարապետ 14 տարեկան էր, իսկ Յարութիւն 12 : Կարապետ իր ուշիմութեամբը բոլոր դասաւուներուն համակրութիւնը եւ գուրգուրանքը շահած էր՝ որոնք գնահատելով անոր ընդունակութիւնը եւ աշխատասէր բնաւորութիւնը մի քանի անգամներ մօրը եւ բարեկամներուն յայտներ էին թէ անիկայ լաւ ապագայ մը պիտի ունենար իրեն, արդէն ո եւ է անձի համար բաւական էր տեսնել կարապետի արագաշարժ եւ պնդտացող աչքերը՝ որոնք վառվուն եւ աշխատասէր բնաւորութիւն մը կը յայտնէին : Ըսդհակառակը Յարութիւն բոլորովին անընդունակ էր ուսման՝ բայց գերազանցապէս ընդունակ՝ շուկայի գործերուն, ծեր, փորձառու վաճառականի մը չափ : Անշուշտ երկու եղբայրներուն տարբեր ընդունակութիւնները մեծ առաւելութիւններ հնապագայ շինելու եւ տուն մը երջանկացնելու համար :

Տիկին Յովհաննէս՝ որովհետեւ այլեւս անկարող էր աշխատելու, հետեւաբար ստիպուած էր Կարապետը դպրոցէն առնել՝ որուն աջակցութեանը այնքան կը կարօտէր. ա՛և, ի՞նչ գէշ է աղքատութիւնը, կ'ըսէր Տիկին Յովհաննէս, զաւակներուս փայլուն ապագան կը մարեցնէ, անոնց փայլուն յոյսերը կ'ոչնչացնէ, եւ իրենց մտային կարողութեանց հետ նաեւ կը թոշնեցնէ անոնց ֆիզիքական եւ հոգեկան գեղեցկութիւնները։ Սիրուն Կարապետը՝ այն արեգակ չտեսնող տղան՝ թէեւ մանկութենէ ի վեր աղքատ ծնողաց զաւակ՝ այլ փափուկ մեծցած էր։ իր դպրոցական էն առաջնակարգ ժամանակ, 15 տարեկան հասակին մէջ, ստիպուած էր ձգել վարժարանի՝ զոր այնքան կը սիրէր, մի միայն մօրը եւ եղբօրը օգնելու համար, անոնց հաց ճարելու համար։ Որովհետեւ իրենց բուն կարօտութիւնը հացի խնդիր էր, հետեւաբար Կարապետ արհետաւոր մը չէր կրնար ըլլալ՝ զի էն քիչը երկու երեք տարիներ ծրի պիտի աշխատէր, հացն ալ գրպանէն, որով կարենար բաւական արհետա սորվիլ եւ հաց ճարելու չափ շարաթեական մառնել։ այս ալ անկարելի էր, որովհետեւ եթէ Տիկին Յովհաննէս մէկ երկու տարիներ եւս՝ իր սիրուն ճագուկները պահել կարող ըլլար՝ ի՞նչ հարկ կար որ այժմ մատղաշ Կարապետը դպրոցէն առնէր։ Յարութիւն գեռ փոքր ըլլալով մնաց վարժարանը՝ իսկ Կարապետ ելաւ եւ տասնեւհինգ տարեկան ծաղիկ հասակին մէջ սկսաւ կեանքի գոռ փոթորիկներուն դէմ մաքառիլ։ այդ մանուկ հասակէն սկսաւ իր սեւ ճակատագիրը ողբալ եւ իբր թէ տարեց մարդ մը՝ սկսաւ կեանքի

պայքարին դէմ ճակատ առ ճակատ կռուիլ։ Հիմա կատարեալ երկրագործ մ'էր անբախտ Կարապետը, որքան տարբերութիւն կայ դպրոցի մը գրասեղաններու եւ դաշտի մը արտերուն մէջտեղ, մէկուն գործիքները գրքեր են միտքը բարձրացնող եւ հոգին ազնուացնող, իսկ միւսին գործիքները կոչտերկաթներ են, որոնք միտքը կը քանդեն, հոգին կը տգեղցնեն։ Նաեւ որքան տարբերութիւն կայ դպրոցի մը եւ դաշտի մը աշխատութեանց միջեւ։ առաջնը փառաւոր չէնք մ'է՝ որուն մէջ աշակերտը չուքի մէջ կը նստի՝ չէնք մը՝ որ մարդու բուլոր փակիկութեանց եւ քաղաքավարութեանց կը համապատասխանէ՝ ուր աշակերտին միտքը պիտի շիտուի մեծ մեծ մարդոց եւ իր ուսուցիչներուն մտքին հետ՝ ուր աշակերտը պիտի սորվի ապեկու եղանակը, քաղաքավարութեան կերպը, պիտի գիմէ այն իտէալին՝ որ օգտակար է, կարճ խօսքով, այս դպրոց կոչուած չէնքին մէջ տղան կը սովորի կեանքին փիլսոփայութիւնը։ իսկ ընդհակառակը, միւսը — դաշտը — իր անստանելի գործերով մարդուն կեանքը կը կարծէ, աշխատիլ այրող եւ սեւցնող արեգակին տակ. ո՞վ Աստուած, ի՞նչ դժբաղդ է Կարապետ։ ամենէն ուսեալ եւ քաղաքավար անձինք իսկ դաշտերու մէջ աշխատելով՝ իրենց նախկին վայրենի վիճակին կը համնին։ Եւ հիմա մեր սիրուն Կարապետը իր մատղաշութեամբը, մտքի լուսաւորութեամբը, ծիւնի պէս ճերմակ դէմքովը՝ չուշանի մը անբծութեամբը, վառ, շագանակագոյն աչքերովը եւ իր վեհ, պաղպաշուն ճակատովը պիտի զար աշխատիլ դաշտերուն մէջ, այրիկ

ու մրկիլ արեգակին տակ, փոխել իր բոլոր բարեմասնութիւնները. այն անուշիկ դէմքը փոխել կղմինտրի մը կարմութեան : 0՛հ, կեանք անկրելի, բախտ դժոխային, հարուած հոգեմաշ, տափնապ անհնարին : Ամեն առտու արշալոյսին Կարապետ քաղաքին Զիվթլիի կոչուած թաղը կ'երթար գործ գտնելու համար, հոն կոչտ երկրագործներուն կարգը կ'անցնէր՝ որոնք քանի մը զուգահեռական գծեր կը կազմէին: Մեր հնագարեան յորպաճիները կուգային իրենց արտերուն համար բանւորներ վարձելու համար. բայց աւա՛զ, ոչ ոք Կարապետին վրայ ակնարկ մը ձգելու բարութիւնը կ'ընէր՝ մեծ հողագործները կը վարձուէին՝ իսկ Կարապետ ոչ, այդ գործաւորներուն պազարը միայն մէկ ժամ կը տեւէր եւ այնուհետեւ ամեն մարդ իր գործին կ'երթար, իսկ գործ շգտնողներն ալ պարապ տուն կը վերաբանային. այս վերջիններուն յաճախ Կարապետ կը վերաբերէր: Ուրիշ օր մը՝ առտուն կանուխ, Կարապետ պազար իջաւ, եւ սովորականին պէս իր տեղը գրաւեց. յորպաճիները սկսան գալ. անոնցմէ մէկը, հաստարապուկ, զիրուկ, մեծ քիթ մը ունէր պարտապանաց՝ որ ճակատէն սկսելով մինչեւ շրթունքը կ'իջնէր. երբեմն, երբեմն կոկորդալիր հազ մը թող կուտար՝ որ աւելի կը շեշտէր իր վեհութիւնը, իւղոտ ֆէս մը մինչեւ յօնքերը կ'իջնէր, իսկ գլանիկը մինչեւ վերջը շրթունքին վրայ փակցուցած էր՝ որմէ ելած սեւ մուխերու սիւնակները մինչեւ ամպերը կը բարձրանային, իր ակնարկը կը դարձնէր, կը դարձնէր եւ Կարապետի վրայ կը կեղունացնէր՝ վերջապէս համար-

ճակեցաւ բերանը բանալ եւ ըսել — Եկուր օղում — որուն հետեւեցաւ Կարապետ լոիկ: Գացին խահվէն. Զորպաճին որուն շրթունքին փակած էր գեռ գլանիկը, յաղթ ձայնով մը պոռաց — խահվէնի, երկու խաղվէ, մէկը անուշ, մէկը սատէ — եւ յետոյ դառնալով Կարապետի հարցուց — Որո՞ւն տղան էս օղում: Կ. — Ըէնչպէր Յովհաննէսին տղան եմ յորպաճիւ: Զ. — 0՛, ան իմ պաշ բարեկամս էր. Աստուած օղորմի հոգուն: Զ. — Է, մայրիկդ ո՞վ է էվլատըմ: Կ. — Տիկին Պայծառն է յորպաճի: Զ. — 0՛, պղտիկ իրէն իմ բարեկամս էր՝ իշթար խաղած ենք պարապար: Զ. — Է, քուրերա որո՞նք են նայինք, Կարգա՞ծ են, ապա՞պ են: Կ. — Քուրս ալ մեռաւ յորպաճի: Զ. — Վախ օղում, վա՛խ: Զ. — Է, ախպարներ ունին նայինք: Կ. — Մէկ եղբայր մ'ունիմ, ան ալ վարժարան կ'երթայ: Զ. — Վարդարա՞ն ըսիր, ի՞նչ է վարդարանը էվլատըմ: Կ. — Դարոց յորպաճի: Զ. — Հա՛, տաեռ մեքթէպ ըսէ, դուն հիշ մեքթէպ չգացի՞ր էվլատըմ: Մինչդեռ այս տաք խօսակցութիւնները յառաջ կ'երթային, ապսպրուած երկու խահվէնները եկան, յորպաճին սատէն ինք առնելով շեքերլին Կարապետի տուաւ՝ եւ յետոյ փութամատի հաստութեամբ

սիկար մը պլելով, զլանիկին անցուց եւ սկսաւ մէկ սիկար քաշել, յաղթական հազ մը եւ յետոյ փը՛ոդ, փը՛ոդ, փը՛ոդ, գաւաթը պարպուեցաւ :

Խահէէն վերջը մեր չորպանին սկսաւ նահապեատական խրատներ տալ՝ որոնց կարապետ կը համակերպէր արուեստակօրէն : — «Ե՛, օղում, հիմա ինծի մափկ արէ, ես կ'ուզիմ օր քեզ ինծի պէս մարդ անիմ, չորպանի ըլլաս, օղորմած հոգի պապս ինծի վատ արած էր քի էօմրիւս մէջը օրբ տղայ մը մարդ անիմ, ես ալ աստին, անտին նայիցայ եւ սիրտս մինակ քու վրատ փակաւ, իմ զըռուրառս քու վրատ շատ աղուոր է, մենք շատ արտեր ունինք, եւ կ'ուզիմ օր քեզ անմեն օր հետս առնիմ, մէկտեղ կամաց կամաց փորենք, ամիս մը էրկուք կը քչէ, ետքը թոփթան բարայեկա կ'առնես, ձմեռուան եէմնիլիկդ կը դնես, բահագ կ'առնես, էս քեզի տօխսան դուռշ կուտամ, հացն ալ իզմէ, հատի տուն էթանք տէ հաց մը ուտենք, ետքը սա հօրեօնը մեր մօտ արտը էթանք :

Չորպաճին եւ կարապետ սկսան տուն երթալ, քիչ վերջ կայնեցան տան մը առջեւ եւ սկսան զարնել՝ որ բացուեցաւ :

2. — Նուրիկ հանըմ :

Ն. — Ի՞նչ է :

2. — Նուրիկ հանըմ :

Ն. — Ի՞նչ է քա, վերի խաղն եմ, խզմեղ կը առենեմ կոր :

2. — Նուրիկ հանըմ :

Ն. — Մահ էլլէ պօղազիդ ծակը, վիճուաըս վերնար տէ ծանիկդ չսեյի :

Զ. — Քա օրը օրասաք էղաւ, տահա մենք հաց պըտը ուտենք տէ, խըռը պըտը էթանք, հայտէ չափուխ վար էկօր տէ սա սօֆուան տիր, էրկու լօխմա հաց խզկուխնք տէ բաներնիս էթանք :

Նուրիկ հանըմը աճապարելով վար իջաւ եւ տեսնելով կարապետը ըսաւ — «Աս ընտոր ա՞լ ըռընտիկ մանչ է, ո՞ւրկէ բերիր » :

Զ. — Գնա օղում, Նուրիկ հանըմին (կելինիտ) ձեռքը պագ :

Կ. — Կը պագնէ :

Ն. — Ապրիս օրթափ :

Նուրիկ հանըմ խոշոր կին մ'էր, լայնաքիթ եւ լայնափոր, իր ամեն մէկ չնչառութեան օլը զգալի կերպով կը պակսեցնէր սենեակէն, իսկ երբ խնդար՝ իր ձայնին ամեն մէկ ձօնումին սենեակը կ'երերար՝ կարծես թէ երկրաշարժ տեղի կունենար : Սեղանը պատրաստուեցաւ. 3—4 օխա ապուր առնող խարալանա մը մէջտեղը զրուեցաւ, 2—3 օխա ալ հաց հասա հասա շերտերու վերածուած՝ բոլորափը շարուեցան չորպանիին զաւակները՝ որոնց անմիջապէս հրամայուեցաւ մէկ քանի խոշոր սոխեր ձեզքել եւ բերել. Կարապետ զարմանախառն հիացումով մը կը դիտէր տէր եւ տիկին չորպանիիներուն ձաշելը՝ որոնք առանց բոլորտիքնին նայելու՝ արագ արագ կը դգալտէին ապուրը՝ մինչդեռ միւս կողմանէ չորպանիին թաւ պեխերը ապուրամոյն կ'ըլլային. Տիկինը ըսես նէ իրմէ վերազանց : Ապուրէն զատ յաջորդաբար ուրիշ կերակուրներ ալ բերուեցան՝ այնպէս որ մէկ երկու վայրկեանի մէջ՝ սեղսնին վրայ զիզուած լերան պէս ուտելիք-

ները անյայտացան : Կերակուրէն վերջ յորպանին եւ կարապետը մէկ մէկ փորելու գործիքներ առնելով դաշտը՝ իրենց ամենէն մօտիկ արտը գացին եւ սկսան միասին փորել . առաջին անգամն էր որ կարապետ այսպիսի դժնդակ աշխատութեան մը կը մասնուէր , զի նախ փորելու անվարժ էր՝ երկրորդ փափուկ մեծցած՝ եւ երրորդ 15 տարեկան էր . հետեւաբար այսպիսի դժուարին գործի մը տակ կը հեծէր , այն օրը արիւն քրաբնք թափեց այլող արեգակին տակ , ո՞հ , մինչեւ որ օրը իրիկուն եղաւ՝ կարապետի մարմինն ալ կիսամեռ մնաց . Գործին ծանրութեան տակ բոլորովին յոգնած եւ պարտասած երեկոյին տուն վերազարձաւ . Տիկին Յովհաննէս համբուրեց զանի . ի՞նչպէս այլայլեցաւ նա երբ իր տղուն կիսամեռ վիճակը տեսաւ՝ որքա՛ն տրտմացաւ երբ տեսաւ անոր կարմիր այտերուն տմոյն այտերու փոխուիլը՝ եւ որ ցաւալին էր՝ կիզիչ արեգակէն տղուն կոմթի պէս ճեփ ճերմակ մորթը կղմինարի մը գոյնն առեր էր . բայց ի՞նչ ընէր , Նախախնամութեան վճիռն էր այն :

Կարապետ այս տագնապներուն մէջ աւելի համակուեցաւ ուսման անհուն քաղցրութեամբը , լրջօրէն այն ըովէին հաստատաբար որոշեց ինքնօգնութեամբ աշխատիլ ու աշխատիլ՝ եւ միւս կողմանէ ալ ջանալ միջոց մը գտնել եւ կարենալ գիշերոթիկ վարժարան մը մտնել . երբ ամեն գիշեր գործէն կը վերադառնար , նախ իրենց տանը պատրշգամը կ'ելնէր եւ կը դիտէր կարմիր ու հըրգեհած հորիզոնը՝ որ սեփ սեւ , պատառ պատառ ամպերով ծածկուած էր՝ որոնց մէջէն այդ կարմիր

հորիզոնը կարծես կտորներու վերածուած՝ եւ իւրաքանչիւր կտոր զեղնոտած ամպերու շերտերով կապուած էր : Ի՞նչ հիացումով կը դիտէր երր վերջալոյսի բոց գիցուեին ոսկեգոյն մազերով եւ կարմրերանգ այտերով այց կ'ելնէր , որուն գեղեցկութեան հանդէպ արեգակը կը նսեմանար , կը խոնարհէր , տակաւ կը թալուէր հորիզոնին վարդգրկերուն մէջ . Յետոյ կ'սպասէր հոն մինչեւ որ զիշերուան մուայլը ամեն տեղ իշխէր եւ այդ ժամանակ կարապետ աչքերը կը յառէր երկինք դիտելու այն լուսեղէն պատառները՝ որոնք կապոյտ կամարը իրենց վէտ վէտ եւ ծփծփուն շողերովն կը գեղազարդէին խորհրդաւոր համայնապատկեր մը ներկայելով աչաց : Նամանաւանդ ի՞նչ հոգեզմայլ իղձերով կարապետ երեւակայութեան հրեղէն թեւերը կ'առնուը եւ կը վերանար երկրային սահմաններէն վեր՝ անհուն տիեզերքին մէջ՝ մշտալոյս արեւներու քով՝ բոլորովին յափշտակուած , ուուզուած հիացութեան եւ լուսեղէն ալեաց մէջ՝ իր երկրապիշ աչքերով կը դիտէր շրջակայ հիանալի գունտերը , արեւները՝ որոնց մշտածոր ճառագյթներուն մէջ կը լողայ ծովը վէտ վէտ , մինչդեռ միւս կողմանէ արծաթաղօծ լուսինը կը ճեմէր արծաթ արցունքներ թափելով . ո՞հ կարապետ Արարչութեան բովանդակ շքեղութեան մէջ թաղուած նոյն վայրկենին անգիտակից էր նոյն իսկ իր գոյութեան . Սակայն երբ Տիկին Յովհաննէս այլեւս վար կը կամչէր զինք , կարապետ մէկէն ի մէկ մերկացած այդ փառքերէն՝ ցուրտ սարսուռ մը կ'զգար , տիրութեամբ կը համակուէր , ո՞հ , չէր ուզեր նա

այդ երջանկութիւններէն զրկուիլ՝ թէեւ անոնք
երեւակայական էին : Այս՝ կարապետի համար
ամեն բան — արեգակը, լուսինը, կապոյտ երկնա-
կամարը, հեղամրմունջ առուակը, բարձրագագաթ
լեռը, խաղաղ լիճը — ուսուցիչ մ'էր: Մօրը ան-
վերջ թափանձին վրայ կարապետ — տակաւին յա-
գուրդ չգտած — վար կ'իջնէր, ճաշը ընելէ եւ քիչ
մը խօսակցելէ վերջ՝ կ'առնէր գրքերը, կ'առանձնա-
նար սենեակին մէջ, կը կարդար ու կը կարդար,
կ'ուզէր կուրծքը ճեղքել եւ հոն թաղել բոլո՞ր գի-
տութիւնները, երբեք չէր կշտանար, կը կարդար
ու կը գրէր, մինչեւ որ Մորփէս գար եւ անզգա-
լարար անոր ճեռքերէն զրիչն ու գրքերը առնէր:
Որովհետեւ եղանակը ձմեռ էր, կարապետ ժա-
մանակին միծագոյն մասը տունը կ'անցնէր՝ ո-
րով կարող կ'ըլլար յառաջդիմել իր ընտրած աս-
պարէզին մէջ եւ մասսմբ մարել ուսման նկատ-
մամբ ունեցած անհուն ծարաւը: Այս էր իրեն
միակ նպատակը (ուսման մէջ յառաջդիմել եւ
իր այս բաղձանքին յագուրդ տալ), երբեք յուսա-
հատել չէր զիտեր եւ ոչ ալ ընկնիլ՝ բաւ էր մի-
այն որ իրեն համար ուսման ամեն միջոցներն
յարմար ըլլային :

Զ Լ Ո Ւ Ս Ծ.

Մայիսի զուարիթ առաւօտ մ'էր, արեգակը բոցա-
վառ հորիզոնին գուրս կը նետուէր եւ իր ցողերով
վէտ վէտ կը չողացնէր քաղաքին ապակիները
պատուական գոհարներու նման, զով զեփիւռ մը
կը փայփայէր ամեն հոգիները, բնութիւնը դեռ նոր
արթնցած ձմրան քունէն՝ նուրբ, կանանչ վերարկու
մը հագած էր, եւ այդ թարմ կանանչութիւնը քիչ
մը նսենացած էր եղեամին ճերմակ շղարշին տակ,
մինչդեռ միւս կողմանէ արեգակը տակաւ բարձրա-
նալով, բնութեան վսեմ համայնապատկերը կ'ողողէր
իր ճառագայթներուն անսովոր փողփողումովվը, եւ
լեռներուն գագաթները զիգուռող ամպերուն ճերմակ
բամպակէ կուրծքը ճեղքելով մինչեւ հորիզոնը կը
թափանցէր, թռչունները ուրախ զուարիթ, անհուն
խանգով մը կը ճլուըլային, իսկ չարածձի տղաքնե-
րու խմբակ մ'ալ լոփկ մայթերը կ'աղմկէին, կարճ
խօսքով ամեն բան գեղեցիկ օր մը կ'աւետէր: Նոյն
օրը կարապետ ալ անհուն ուրախութեան մը
նախազգացումն ունեցած էր՝ սակայն առանց պատ-
ճառը գիտնալու: Տիկին Յովհաննէս եւս նոյն նա-
խաղգացումը կը կրէր, ըստ որում պահ մը մոռցան
այն սեւ սեւ խսրհուրդները՝ որոնք ամեն օր, ա-
ման ժամ, ամեն վայրկեան իրենց կեանքը կը մա-
շեցնէին: Իրենց մտքէն երբեք չէր անցներ թէ այդ
զուարիթ օրը իրենց վճռական եւ ուրախարար լուր

մը պիտի տար՝ որ թերեւս մինչեւ իրենց կեանքին վերջը երջանիկ ըլլալու միակ միջոցը պիտի ըլլար, երբեք չէին խորհեր, բնաւ չէին երազեր :

Ժամը ուժը կար եւ դեռ այս տունը կը շարուանակէր իր գուարթութիւնը, յանկարծ տանը դուռը չալուեցաւ, զոր անմիջապէս կարապետ բացաւ. ծեր խեղկատակ կնիկ մ'էր եկողն՝ որ ամբողջ քաղաքին բնակիչները կը ճանչնար եւ ինքն ալ փոխադաբար ամբողջ քաղաքացիներէն կը ճանչցուէր, ամենուն նինէն էր, սա ուրախութենէն կարծես զինովցած՝ սկսաւ պօռալ — «Պայծառ, աղջկս, աչքտ լոյս, այս բանը խերովը էղաւ, հիմա Աստուած թամամին հասցնէ»:

Պ. — Քա ի՞նչ կայ, նինէ :

Ն. — Մենծ զպրոց է, ինչ խառախատա է, անոր Տնօրէնէն Օհաննէս առաջնորդին խապար էկեր է քի, Կարապետդ խապուլ էղուեր է:

Պ. — Քա ի՞նչ կ'ըսես, նինէ, իրա՞ւ է այդ լուրը:

Ն. — Հա քա օրթափ, հիմա անոր քովէն կու գամեոր, ինձի ըսաւ քի «Գնա Պայծառին աշքը լուսէ՝ զերէ տղան մենծ դպրոցը պըտեթայ»:

Պ. — Է՞ն, փառք Քեզ, Աստուած :

Կարապետ ուրախութենէն զմայլած կարծես թէ լեզուն բռնուեցաւ, բնաւ հաւատալը չէր գար՝ միշտ իւրովի կ'ըսէր — «Իրա՞ւ է որ ընդունուած եմ, իրա՞ւ է որ պիտի ազատիմ գուհիկ ու ստորին կեանքէ մը՝ իրա՞ւ է որ անհուն բաղձանքներս յագուրդ պիտի գտնեն : Այս, ո՛վ կարապետ, լուրը իրականութիւն է, որովհետեւ վարժարանին փերաբացումը մօտ էր՝ միայն կարապետի կը մնար

ճանբորդական պատրաստութիւններ տեսնել՝ Տիկին Յովհաննէս փոխ, ճար ընելով ամեն բան պատրաստեց եւ որոշեալ օրը Կարապետը շոգենաւ դրաւ — այս անգամ ուրախութեամբ — եւ զրկեց որոշեալ գիշերօթիկ վարժարանը :

Զ Ե Ր Ա Խ Ե Վ Ճ Ա Յ Ա .

Հիմա կարապետի ճակատագիրը փոխուեցաւ՝ եւ կեանքի դառն պայքարը Յարութիւնի մնաց: Սիրունիկ Յարութիւն իր մատղաշ հասակով պիտի դիմագրաւէր կեանքի անողոք պայքարներուն՝ որ պէս զի կարենար թէ իրենց տանը նիւթականը՝ եւ թէ եղբօրը բոլոր պէտքերը — հանդերձ, կօշիկ, գիրք — հայթայթել՝ ուսաի ստիպուեցաւ վարժարանը ձգել եւ իր եղբօրը պէս դաշտը երթալ՝ ու նաև շուկայի գործեր ընել. սակայն ափսոս, ասոնք իր կարողութենէն վեր էին երկու տեսակէտներով, նախ տարիքը չէր ներեր՝ որովհետեւ իմաս փոքր էր, երկրորդ՝ որովհետեւ խիստ ալքատ էին, հայրը մեռնելէն ի վեր լաւ մուռնդ մը առած չէր՝ գրեթէ շաբաթին մեծ մասը չոր հացերով կ'անցնէր՝ այն ալ կէս կուշտ, ուսափ բնական էր որ ծանր աշխատութեանց տակ Յարութիւն հիւծէր՝ ասոր համար Յարութիւն եւ Տիկին Յովհաննէս ստիպուեցան աստին, անդին թեթեւ գործ մը վնասուել : Շատ չանցած Յարութիւն բարեկամի մը չնորհիւ հացագործի

մը քով մտաւ՝ օրական՝ երկու դահեկանով, ճաշը վարպետէն. երեւակայեցէք թշուասութիւնը. Յարութիւն այդ երկու դահեկանով թէ մայրը, Տիկին Յովհաննէսը պիտի ապրեցունէր, եւ թէ եղբօրը վարժարանական պէտքերը պիտի հոգար, ախ, թշուասութիւն եւ աղքատութիւն։ Սակայն մէկ միսիթարական բան մը կար՝ կարապետի աշակերտած վարժարանին շրջանը հնագ տարի էր, բայց կարապետ իր աննկուն աշխատութեամբը կրցած էր երկու տարիներ շահիլ՝ եւ այսպէս երրորդ կարգը մտած՝ եւ այժմ՝ երկու տարիներ կը մնար իրեն ընթացաւարտ ըլլալու։ Կարապետ կատարեալ յաջողակ ուսանող մ'էր՝ այնպէս որ օր ըստ օրէ Տիկին Յովհաննէսի համազ նամակներն կը յայսնէին անոր յաջողութիւնները, եւ մրցանակներու արժանանալը եւ ահա այդ պատճառով էր՝ որ մեր փոքրիկ Յարութիւնը ուրախութեամբ կը կրէր կեանքի դառնութիւնները եւ միշտ երջանիկ էր՝ որովհետեւ գիտէր թէ իր եղբայրը յաջող ուսանողներէն մէկն էր՝ երկու տարիներ ալ շահած, եւ երբոր վարժարանական ընթացքը աւարտէր՝ պիտի կարենար լաւ ապագայ մը շինել եւ ամբողջ առներ երջանկացնել։ Վարժարանին համակրելի Տնօրէնը — որ հազուագիւտ անձ մ'էր՝ թէեւ կրօնաւոր կարապետի նկատմամբ մասնաւոր համակրանք մը կը տածէր՝ որովհետեւ կարապետ քաջ ատենաւխոսի մը համբաւը կը վայելէր՝ եւ այդ ուսանողական գիրքէն լաւ բեմբասացի մը հոչակը հանելով՝ Տնօրէնը իրեն նկատմամբ խորհած եւ կարգադրած էր ընթացաւարտ ընելէ վերջ աստ-

ուածաբանական վարժարան մը — վանք մը — զրկելով վարդապետ ընել։

Ինչպէս Յարութիւն յետին ծայր կը նեղուէր իր փոքրիկ հասակէն զործնական կեանքին մէջ չարաշար տանջուելով՝ նոյնպէս ալ կարապետ վարժարանին մէջ կը նեղուէր միշտ յիշելով ծնողքը եւ եղբայրը՝ որոնք վերջին ծայր նիւթական անձկութեան մէջ կը գտնուէին եւ միւս կողմանէ ինք գպրոցին մէջ հազարումէկ պէտքեր ունէր գոհացնելու, այլ աւաշզ, աղքատութեան պատճառաւ անոնցմէ ո՛չ մին կրնար իւրացնել, եւ աւելի զըժուարը՝ անդին կը տեսնէր իր ընկերները — հարուստ աշակերտաներ — որոնք անխնայ, չռայլօրէն կարմիր, գեղին ոսկիներ կը ծախսէին ումպէտս, մինչդեռ իրական պէտքի մը համար մէկ փարաչէր գտներ, ո՞հ, ի՞նչ խղճակի վայր մ'է գպրոցը՝ հոն կը տեսնես ամենէն յաջողը եւ բոլորովին անյաջողը եւ գարձեալ՝ ամենէն փարթամը, հարուստը եւ անոր քովը ամենէն աղքատը, խեղճը։

Ինչպէս ըստնք, կարապետ հարուստ չէր որ իր ստակներովը ուրախանար, ոչ ալ երջանիկ տուն մ'ունէր՝ որմէ երջանիկ համակներ առնելով ուրախանար, իրեն համար ամեն բան տիսուր էր, սակայն մէկ բան մը կար որ իրեն անհուն ուրախութիւն մը կ'առթէր, վայրկենի մէջ ամեն բան կը մոռցնէր, այն գեղեցիկ մրցանակները զորնք կարապետ իր քաջ ուսանողութեամբը ստացած էր՝ իր ուսման հետ ունեցած նիւթական դառնութեան եւ իրեն տան զանազան դառնակսկիծ խորհուրդներուն մէջ։ ինչո՞ւ համար թէ գպրոցնե-

րու եւ թէ որ եւ է գործի մէջ յաջողները միշտ
աղքատներն են, միշտ կը կորզին մրցանակները
թէ եւ իրենք հալած ու մաշած են, հիւծած են
աղքատութեան անկրելի լուծին տակ: Գաղտ-
նիք, կեանքի փիլիսոփայութեան անլուծելի գաղտ-
նիքը:



Կարապետ զանազան դժուարութիւններ կրելէ
վերջ ա՛լ սկսած էր ուրախանալ, որովհետեւ դըպ-
րոցական երկու տարիներն սահեցուց եւ այս եր-
րորդ տարին էր՝ որ ունվախճանին իր բոլոր յօյսերը,
բաղձանքները եւ երազները իրականութիւններու
պիտի փոխուէին. ինք միւս աշակերտներուն պէս
դպրոցին զրասեղաններուն վրայ սին երազներով եւ
օդակառոյց զղեսակներով չէր պարապեր, անոնց
նման գործնական կեանքը զրախտի ծաղիկներով
չէր բեղմանառեր որովհետեւ զեռ դպրոց չմտած
գործնական կեանքին բոլոր դառնութիւնները կրած
էր եւ այդ փորձառութիւնը զինք միշտ իրականին
կ'առաջնորդէր եւ ոչ թէ գաղափարականին:

Կարապետ եւ իր ընկերները (ընթացաւարտ կարգն)՝
յաճախ շրջագայութեան կ'ելնէին ըստուլ բարին
վրայ՝ քանզի հեռի չէր այն օրը երբ պիտի բաժ-
նուէին իրարմէ՝ եւ ո՛վ գիտէ ալ զիրար չտեսնե-
լու պայմանով, պիտի ձգէին այն վայրը՝ ուր միա-

սին անցուցին, մէկտեղ կերան եւ խմբցին, պիտի
ձգէին այն գրասեղանները՝ որոնց վրայ իրենց
սրտերը բարախեցին: Այս ընկերական շրջագա-
յութեանց մէջ կարապետի ընկերները փառաւոր
փառաւոր երազներ կը տեսնէին, տիվլումանին
առաջնուն պէս միծ եւ փառաւոր քաղաքներէ կը
հրաւիրուին իրբեւ դասատու, հոն կ'երթան, միծ
գիրք մը կը բռնեն, ճոխ ամսականներ կ'առնեն,
հանգիստ հանգիստ կ'ապրին, մարդոց մէջ միծ
գիրք կը բռնեն, ամեն ամսատ իրենց հետ ակնա-
ծանօք կը խօսի, իսկ իրենց պատուանուններն են
միւսին, ակէ, եգինսի: Կարապետ լորկ մնջիկ
մտիկ կ'ընէր եւ իւրովի ընկերներուն կ'ըսէր՝ «Ան-
գամ մը գործնական կեանքի դպրոցը մտէք՝ շու-
տով կ'արթնաքաք այդ քնաշը ջութիւնէն: » Անշուշտ
քանի որ շատ մօտ էր իրենց դպրոցը ձգելնին,
բնական էր որ յառաջագոյն իրենց ապագային հա-
մար ծրագիր պատրաստէին. Կարապետ բարին բռն
նշանակութեամբ փառաւոր ծրագիր մը պատրաս-
տած էր, — ընթացաւարտ ըլլալէ վերջ գիւղ մը
երթալ հեռի փառաւոր քաղաքներէ եւ հոն աշխա-
տիլ, բարձրացնել մարդկային տիւղծ արարածները
եւ սփուել հոն գիտութեան փառանեղ լոյսը:

Յունիսի զովագին առաւօտ մէր, առջի գիշերուը-
նէ Տնօրէնը ծանոյց թէ յաջորդ օրը ամբողջ դպրոցը
իրենց վարժարանէն ժամ մը հեռի գտնուող բլու-
րը պիտի երթան զուարձութեան համար, ուս-
ափ այն նոյն առաւօտը աշտկերտք սովորականէն
զուարթ սեղանատուն հաւաքուեցան, նախաճա-
շելու: Ամենքն ալ զրօսանքի հանդերձներ հա-

գած էին, ոմանք ճերմակ՝ ոմանք նաւաստիի մը սեղմեալ հանդերձները՝ ուրիշներ կարմիր բաճկոնակներ, դարձեալ ոմանք իրենց ձեռքերը բռնած են (Base Ball) Պէյս պօլի խոշոր գնդակները, ուրիշները՝ (Foot Ball) Ֆուտ պօլի ահագին փայտերը. այդ օրը վարժապետներն ալ աշակերտներու պէս եղած երեխն տղայական բաներ կ'ընէին ի յիշատակ իրենց մանկութեան: Նախաճաշը լմնցած է՝ եւ տղոյք կազմ եւ պատրաստ են յառաջանալու դէպ ի լեռը, ընդհանուր դաստիարակը երկար բարակ ճառեր կը խօսի աշակերտներուն այս օրուան զուարձութիւններուն վրայ, որմէ ետք թէ վարժապետները եւ թէ աշակերտները միասին կ'սկսին զիւղին մէջէն յառաջանալ՝ որուն աղտոտ մայթերը զազիր գարշահոտութիւն մը սփռած էին օղին մէջ և Բլուրին ստորոտը հասած են, ա՛լ ամենքը զիւղին աղտատած են, ոմանք այս ծայրէն, ոմանք այն ծայրէն լեռն ի վեր կը մազլցին, կանոնն ալ հոս գործ չունի՝ որովհետեւ զպրոցի սահմանէն գուրս են, վարժապետներն ալ նոյն օրը այնքան աղդեցութիւն չունին աշակերտներուն վրայ՝ քանզի աշակերտներն տարին մէկ քանի անդամներ, չնորհիւ դաշտային զուարձութեան՝ իրենց ուսուցիչներուն կը հաւասարին եւ իրենց վարժապետներուն դէմ ունեցած բոլոր բարկութիւններն այդ դաշտի խընջոյքներուն ձգերով՝ անոնց քիթերնէն, բերաններէն կը բերեն, եւ փոխադաբար վարժապետներն ալ իրենց դաշտի բարկութիւնները կը պահեն զպրոցին մէջը պահանջատէրներուն տալու, միայն Տնօրէնին ներողութիւնը անսահման է: Հիմա խումբերը —

մասնաւորապէս ամեն կարդ իր աշակերտներով — թուփերու ներքեւ, ապառաժներու վրայ, անցքերու մէջ տարածուած են, հեռո՛ւն վայրի վարդերու թուփերուն մէջէն աշակերտներու խումբ մը իրենց դպրոցական երգերով օղը կը թնդացնէին. թռչունք եւս կը մասնակցէին այս երգերուն, իսկ վայրի վարդերը, շագանակի ծաղիկները եւ գանազան լեռնային գողարիկ ծաղիկները իրենց զլուխները վեր վերցուցած կ'ունկնդրէին այս տարօրինակ մխորին եւ անոնց հետ կ'ուրախակցէին լուռ ու մունջ, իսկ այդ ծաղիկներէն ոմանք ալ իրենց զլուխները ծոած զարհուրած էին կարծես իրենց լեռնային, մշտատեւ անդորրութիւնը եւ լուռթիւնը վրդովող այդ սարսափելի մխորէն: Վերջապէս կը համնին բարձրաւանդակը՝ ուր երկնամբարձ ծառեր Արամազզի նման խորհրդաւոր կը կանգնին՝ ու իրենց լայն եւ երկայն ճիւղերով ահագին լեռը զրկած կարծես անոր վրայ կը զուրգուրան եւ զանոնք պաշտպանող զիցուհիներն են, իսկ իրենց բարակ ոստերով հոգեցուհիներն են, իսկ իրենց բարակ ոստերով նուազի մը տիրանոլի ներգաշնակութիւնը կը ներշնչեն, ներգաշնակութիւն մը՝ որ կը զայելէ լսել միայն անմահներուն. ճիշդ այս ըլուց վրայ — արեւելեան կողմը — ուխտատեղի մը կայ՝ որուն պատերը իբրեւ յուշատեար կը գործածուին այցելուներէ, թանձր մրուրի մը պէս սեւցած՝ յիշատակի համար մատիաններով գրուած անհամար անուններուն տակ, ասոր առջեւը կայ աղթիւր մը՝ ուրիէ կը բղիի զիշեր եւ ցերեկ առատ պաղ, անսուշ եւ զով ջուր, բոլոր այցելուներն խմելով անկէ կ'օրհնեն ուխտատեղիին յիշատակը:

Այս բլուրը ամենէն բարձրն է, չորս կողմդ կը տեսնես բնութեան գեղեցիկ համայնապատկերը փռուած իր ամենէն վասմ բանաստեղծութիւններովը. վարը՝ բլուրին առջեւ, ցածը, կը փռուի գիւղը՝ որուն Եկեղեցիներուն զանգակատունները արեւուն ճառագյուղներուն մէջ կը լողան. զիմացդ Մարմարայի մէկ ծոցն է, որուն ճիշդ եղերքը, բլուրի մը կողին վրայ, պղտիկ գեղեցիկ քաղաք մը լուսեղին ցողքերու մէջ կը ծփծփայ, ճախ կողմդ բլուրներու շղթայ մը — քիչ մը ցած, կ'երկննայ իր վսեմ հովիաներովը, իսկ աջ կողմը Փոքր Ասիոյ համատարած դաշտերը :

Կէս օրուան ճաշի ժամանակը կը մօտենայ, արեգակը գրեթէ զենիթը հասած է, եւ տղայք լաւ մը յոդնած՝ աստ, անգ, նստած կը հանգչին։ Տնօրէնը իր ճերմակ զլսարկը զլուխը զրած կանչեց Կարապետը, երկուքը միասին զբօսավայրէն բաւական հեռի զացին եւ լերկ ժայռի մը վրայ նըստեցան՝ որ գրեթէ այրելու չափ տաքցած էր. հոն Տնօրէնը Կարապետի յայտնեց թէ մեծ քաղաքէ մը զինքը դասատու կ'ուզէին եւ ինքն ալ յարմար կը դատէր որ երթար. Կարապետ անհուն ուրախութիւն մ'զգաց, խօսք տուաւ։ Ճաշի զանգակը բարձրածայն կը հնչէր՝ սկսան միասին երթալ, սակայն Կարապետ այդ ուրախութեան մէջ տրտմութիւն մ'ալ ունեցած էր, ինք կ'ուզէր գիւղերու մէջ աշխատի՝ որովհետեւ միշտ լսած էր դարավերջիկ սինդադիմներուն երազները, տեսած էր թէ ոչ ոք յօժար էր գիւղերը երթալ, ատոնց միջավայրէն ոչ ոք կ'ախորժէր. յակամայս խօսք տուաւ,

ի՞նչ ընէր, ստիպուած էր։ Ճաշէն վերջ բոլոր աշակերտներն բլուրին վրայ գտնուած համատարած անտառներուն մէջ պտոյտ մը կատարելէ վերջ վերադարձան. արդէն օրը տարածամած էր, ծառերը իրենց երկայն ստուերները ձգեր էին, մեղմ հով մը կ'երեցնէր այդ հսկայ ծառերուն ոստերը՝ որոնց երերուն ստուերները թափառական ուրուականներուն նման կ'երթեւեկէին գետնին վրայ. արեգակը բոցագեղ հորիզոնը կ'ողջունէր եւ իր վերջին ցուրտ ցողքերովն ծառոց մէջէն աշակերտներուն մերթ կ'երեւէր եւ մերթ կը ծածկուէր, կարծես թէ անոնց հետ աշխարիկ կը խաղար։ Հարիւրէն աւելի գիշերօթիկ աշակերտներ մէկտեղ հաւաքուեցան եւ սկսան մէկ քանի զպրոցական երգեր երգել՝ իրրեւ վերջին մնաք բարովն այն բարձրաւանդակին՝ ուր ողջոյն օրը անցուցին այնքան բերկրութեամբ։ Այս երգերէն վերջ մեկնեցան զով զեփիւոին եւ Յունիսի այդ օրուան անմոռանալի յիշատակին տակ գէպ ի զպրոց՝ պատրաստուելու երկու օրեր վերջ տեղի ունենալիք մեծ ու վսեմ հանողէսին։

Ջ Լ Ո Ւ Ծ Ծ Ֆ.

Յունիսի քսան եւ վեցերորդ օրն էր, զիւղին մէջ տարօրինակ իրարանցում մը կայ, ամեն ոք սովորականէն զուարթ, գաղտնի կամ յայտնի միեւնոյն նիւթին վրայ կը խօսի, օրը տարօրինակ պայծա-

ոռւթիւն մը հազած է, ջինջ կտպուտակ երկինքը կը խայտայ անամպ, արեգակը բնականէն աւելի կը վասի, լեռներն, բլուրներն, անտառներն թափանացիկ մթնոլորտով մը պատած են՝ որոնց մէջ արեգական փառաւոր ճառագայթները հաղիւ կը թափանցն աղատօրէն, մեղմ եւ հեշտ զեփիւո մը սիրալիր համբոյրներ կը դրոշմէ ամեն բաներու . մինչդեռ միւս կողմանէ ձիերու աղմկալից վազվառուքը կը վրդովեն զիւղական յաւիտենական լոռութիւնը : Ի՞նչ է այս տարօրինակ զուարթութիւնը — կարապեափ վարժարանին ամափերջի հանդէմն տեղի պիտի ունենայ նոյն օրն : Վարժարանը՝ որ հնագարեան ճաշակով շինուած հաստատուն շինք մ'էր՝ այդ որ օրիորդէ մը աւելի գեղազարդուած էր անհամար դափնիներու . եւ գոյնզգոյն ծաղիկներու մէջտեղ, շինուած կոյսի մը պէս կարմիր ու գեղին այտերով եւ կամ վերջալսոփ կարմրագեղ հորիզոնին մէջ հետպհետէ մարող ու նուազող զիցուհին զիրքը առած իրեն կը ձգէր ամեն անհատ, անդին դրօշակները զով զեփիւոին հպման տակ նուրբ, ծալի ծալ ծածանելով մոդական երեւոյթ մը կուտային անոր . սրահը՝ ուր հանդէսը պիտի կատարուէր, նոր հարսի մը պէս զարդարուած էր եւրոպական ճաշակով ճաշակաւոր օրիորդներու փափուկ ձեռքերուն տակ . այն մեծ սրահը՝ որ 150 էն աւելի մարդ կ'առնէ, կանանչ կամարներու եւ գողտրիկ ծաղիկներու մէջ կը լողայ, երկու կողմի պատերը ծաղիկներու եւ դափնիներու տակ ծածկուած կարծես իրական նկարներու փոխուեր էին, իսկ ճաշակար իրոխտ կերպով կը կանգնէր բեմը, այն բա-

րեբաղդ բեմը, որուն վրայ քիչ վերջ բարերաղդ էակներ 150 էն աւելի երկուու բազմութեան մ'առջեւ պիտի ճառախօսէին . բեմին վրայի պատը դրօշակներով, լուսանկարներով եւ ծաղիկներով զարդարուած էր, այդ բեմին մէկ կողմն նախկին ընթացաւարտներուն եւ միու կողմն նոր ընթացաւարտներուն սահմանուած էր . վերջիններուն ճիշդ առջեւը նուազածուաց խումբին տեղն էր . կարճ խօսքով պատկառելի էր այդ օր վարժարանը :

Արեգակը բաւական բարձրացած է, վարժարանին զանգակը կ'սկսի զօղանչել, շրջակայներէն հետզհետէ հասնող երկսեռ հիւրերը կ'սկսին գալ հիացուցիչ արգուզարդերու մէջ կորսուած՝ ուրիշ էակներու փոխուած, մին միւսէն դերազանց, յառաջազոյն կարծես մրցած իրարու հետ աննման երեւնալու տենչով : Դպրոցական հինգ գեղեցիկ եւրիտասարդներ ուիշալի մարմաջով վարակուած՝ թխագոյն ձեռնոցներով հիւրենկալի զերը կը կատարեն, մինչդեռ միւս կողմանէ հրեշտակներու պէս գեղեցիկ, չնորհալի Հայուհիները քաղցրաժպիտ կ'առաջնորդուին առաջ, բեմին առջեւը, որոնց թանկագին, ողորկ եւ փայլուն շրջագենուաներուն մէջ կ'երեւեին իրենց շուշանի պէս ճեփ ճերմակ, անրիծ եւ պաշտելի դէմքերը, սիրուն զլիսարկի մը տակ ծածկուած : Յետոյ կուգան շագանակագոյն մաղերով ոսկեգոյն Անգլուհիները եւ Ամերիկուհիները իրենց երկնքի պէս կապոյա աչքերով եւ հողմանարները իրենց ձեռքերը բռնած խրսիտ կը գրաւեն իրենց տեղերը, ասոնց ալ կը յաջորդեն զիւղին մաքուր եւ խիստ գեղեցիկ աղջիկները՝ որոնք երբեք չեն

քաշուիր երիտասարդները զլիսէ հանելէ եւ որոնց համբաւը շատ տեղեր տարածուած ըլլալով դարավերջիկները զիշեր ցերեկ զանոնք կ'երազեն : Հիմա գեղեցիկ սեռը դիցուհիներու դիրքը առած է, երկնային էակներու խմբակ մը կը ձեւացնէ, որոնց վրայ արեւը իր ցոլքերը դողողալով եւ չիկնելով կը զրկէ ու կը շողազայնէ անոնց կուրծքերուն վրայի ճերմակ գոհարները. Այդ խմբակին միօրինակ ներդաշնակութիւնը կ'ընդհատեն մէջէ մէջ նատող կնապաշտ երիտասարդները — եւ ո՞վ չի պաշտեր — կամար յօնքերով, կայտառ, գեղեցիկ պեխերով, վերջին աստիճան չիք իրենց սեւ ոլտենիկողներուն մէջ թաղուած՝ որոնք օրիորդներուն եւ մանկամարդ տիկիններուն գեղեցկութենէն հրապուրուած եւ տեսակ մը խենդ գարձած հանդիսին սկիզբէն մինչեւ վերջը՝ տխմար փիլիսոփայութեամբ մը, ամեն ակնարկ, ամեն ձեւեր կը գործածեն անոնցմէ մէկուն սիրտը շահելու, անոնցմէ ժամանակ մը քաղելու. ո՞հ, քանի՛ երջանիկ են այդ վայրիկնին, այդ գերմարդկային ախորդին բոլորափը կը դառնան իրենց բոլոր երեւակայութեամբը, սիրովը, կեանքովը եւ որչափ որ գառնան այնքան դառնալին կուգայ, անոնցմէ չզատուելինին կուգայ, եւ անշուշտ փոխադարձաբար: Վարժարանին մեծ սրահը հոծ բազմութեամբ լցուն է, մէկ կողմդ գեղանի օրիորդներն են՝ միւս կողմդ՝ կայտառ երիտասարդները՝ ասոնց ամենուն ձեռքերն ալ գոյնզգոյն ծաղկեփունջերու մէջ կորսուած. սալոնը պատկառելի էր: Երկորդ զանդակ մը կ'ազդարարէ հանդիսին սկսիլը, 150 հոգիներու բազմութիւնը դէպի ետ, դուռը կը նա-

ի՛ ուրիշ ընթացաւարտներն ուսուցչի մը առաջնորդութեամբ ներս պիտի գան, զլուխներու այդ ահագին հոսանքը ցնծութեամբ կը տեսնէ ընթացաւարտներուն գալուստը. աղմուկը կ'սկսի, որուընդուսած ծափաձայնութիւնք կը գոռան. եւ կը դղրդեն ամբողջ սրահը, օրիորդներու փափուկ ձեռքերուն մէջ կը ծածանին ձերմակ դաշկինակները, կը գոռայ ողջոյն շէնքը: Ընթացաւարտները քիչ մը վրդովուած՝ սակայն բոլորովին լուրջ՝ իրենց յատկացեալ տեղերը կը գրաւեն: Ծափաձայնութեանց եւ թաշկինակներու ծածանմանց ցոյցերէն վերջ՝ հոգեսարուու եւ տիրանոյշ նուագով մը կ'ողջունուի անոնց գալուստը: Նուագէն վերջ ընթացաւարտ երիտասարդները մէկիկ մէկիկ բեմը կը հրաւիրուին ատենախօսելու իրենց վերջին ճառերը: Կարապետ Անգլիերէն պատրաստած էր իր ճառը, Տնօրէնին հրաւիրման վրայ — ծափաձայնութիւնք կը գոռան — կը յառաջանայ, բոլորովին լուրջ կերպարանք մառած, իր կեանքին կատարեալ զիստակցութեամբը վառուած, բնածին նկարագրով մը եւ քաղաքավար ձեւերու մէջտեղ, ազգու կերպով արտասանեց իր ճառը՝ որ լմննալուն պէս դարձեալ ողջոյն սրահը դղրդեցաւ՝ մինչեւս միւս կողմանէ ծաղկեփունջերու տեղատարափ մը կ'իջնէր անոր վրայ հանդիսատես երիտասարդներու կոզմանէ՝ իսկ օրիորդներուն կողմէն լաւանեայով ողողուած ձեփի ձերմակ թաշկինակներ, ցօլաթուրմ վարդերու հետուղակի կարապետին ձեռքը կը սահէին: Իւրաքանչիւր ճառէ վերջ ընթացաւարտները եւրոպական քառաձայն երդ մը կ'երգէին յուղիչ այլ սրտագրաւ

եղանակով մը : Ճառերու եւ երգերու աւարտումէն վերջ դարձեալ ծափերու , գոռումներու , գոյումներու մէջտեղ վկայականներն բաշխուեցան եւ ականաւոր անձերու կողմանէ , ընթացաւարտներուն ուղղեալ , ուղերձներ խօսուեցան , որոնցմէ ետք Տնօրէնին օրհնութեամբ վերջացաւ հանդէսը :

Հիմա խեղճ երիտասարդ ընթացաւարտները ստիպուած են էն քիչը մէկ երկու ժամ ոտքի վրայ մնալ՝ մինչեւ որ 150 հոգիներու չնորհաւորումը — ձեռք սեղմելու պարագը — լմոցնէին :

Տ Ե Ր Ա Վ Ծ Ռ .

Կարապետ փառաւորապէս վկայագիրը առնելով ծննդավայրը վերադարձաւ : Օ՛հ , Տիկին Յովհաննէսի ուրախութիւնը անպատմելի էր , որովհետեւ այս անդամ յուսախար եղած չէր , շատ ու շատ ազգականներ ու բարեկամներ իրենց խնդացութիւնները յայտնել եկան : Երկու ամիսներ Տիկին Յովհաննէսի տունը զուարթ անցնելէ վերջ վագանցային լմնալուն առթիւ պիտի փոխուէր՝ որովհետեւ Կարապետ իր պաշտօնատեղին պիտի երթար : Այն ատեն անհամաձայնութիւն մը արդիկեց զինք այն մեծ քաղաքը երթալ ու պաշտօնավարել՝ սակայն մէկ ուրախալի կէտ մը կար , իր բաղձանքներուն կատարեալ գոհացումը գտաւ , զի զիւղի զպրոցէ մը իրեն հրաւեր եկաւ՝ զոր անմիջապէս ընդունելով ճանրայ

ելաւ : Այս անգամուան բաժանումը բնաւ ծանր չեկաւ թէ Տիկինին եւ թէ Կարապետին , որովհետեւ մասամբ իրենց ապագան ապահովուած էր . հապա փոքրիկ Յարութիւնի ուրախութիւնը՝ աննկարագրելի գարձած էր : Կարապետ նախ իր Տնօրէնին գնաց՝ որովհետեւ ինչպէս ըսինք նախապէս՝ նա կրօնաւոր մ'էր : Եետոյ Տնօրէնը երկու պաշտօնակիցներ եւս տալով Կարապետի զանոնք ճանքեց այդ որոշեալ զիւղը : Կարապետ եւ իւր երկու պաշտօնակիցները չոգեկառք կը նստին եւ երեք ժամեր ճանրորդելէ վերջ իրենց երթալ՝ որ կայարանէն զրեթէ մէկուկէս ժամու չափ հեռաւորութիւն ունի . այս ճանրորդութիւնը իր տեսակին մէջ հպական էր՝ որովհետեւ ժամանակ մը կը ճանրորդէին ձորի մը մէջէն . այդ ատեն հորիզոնը միշտ ձորն է իր աւազներովն ու խճաքարերովն՝ յետոյ կը մազլցին բարձր , ապառաժուտ բլուրի մը վրայ՝ ձիապանները աւելի վարժ , սակայն այս բլուրն ի վեր մազլցելը վտանգաւոր է՝ որովհետեւ ձիուն վրայ եթէ երկվայրկեան մը հաւասարակշուութիւնդ կորանցնես զլիսիվար կը զլտորիս՝ վարը , անդունդին մէջ , խորը մոնչող ձորին մէջ՝ որ յաղթաջուր իր ալիքները կը զլտորէ միացնելու զանոնք ծովատարած Սագարիային :

Ճամբորդութիւնը կը շարունակեն , քիչ վերջը կը հասնին կիրճ մը՝ որուն կը յաջորդէ հովիտ մը՝ այս ճամբորդութիւնը իր ամեն պարագաներովն շատ հետաքրքրական էր Կարապետի , որովհետեւ աշա-

կերտ եղած ժամանակ երբ Բնական Աշխարհագրութիւն կը կարդար, կը տեսնէր անոր մէջ Ալպեան լեռներուն պատկերները՝ որոնց վրայ մարդիկներ կը մագլցէին ձիերով եւ ջորիներով, եւ այս տեսարանները շատ հաճելի երեւցած էին իրեն՝ որ կ'ըսէր իւրովի — ի՞նչ չքեղ ճամբորգութիւն, բնութեան գրկին մէջ, բաց ու թափանցիկ, թարմ օղին տակ, արեգակին փառաւոր ճառագայթներուն մէջ, կանանչազգեստ լեռներուն վրայ, հովասուն հովիտներուն մէջտեղը՝ հետաքրքրական կիրճերու վրայէն միլիոնաւոր պղպջակայարոյց ձորերուն եղերքը — եւ հիմա բուն իսկ իրականութիւնը կը վայելէր՝ եւ կը յիշէր անցեալին անուշ, վառ երեւակայութիւնները եւ երազները՝ որոնք այժմ իրականութիւններու փոխուեր էին։ Ճամբորգութիւնը տակաւ շարունակելով, իրիկունը՝ ուշ ատեն, երբ արեգակը հանդիպակաց լեռներուն գագաթէն կարմիր հորիզոնին ծոցը կը նետուէր, յանկարծ գիւղը երեւցաւ, անակնկալի մը պէս — իմկ մը հնադարեան տուներ, երկու Եկեղեցիներ — տարբեր հասարակութեանց — որոնց վրայ խարխուլ կոչնակներ կախուած են, գեղջկական խորին լուռթիւն մը կը տիրէ՝ որ միայն աքաղաղներու տարտամ պոտչտուքներէն կը խանգարուի. տուներուն հին հին ծիննելոյզներէն անդադար մուխերու սիւնակներ կը բարձրանան եւ ամբողջ գիւղը թանձր մշուշի մէջ կը թաղեն։ Կարապեաւ եւ իր ճամբորգակիցք ձիերէն վար իջնելով գիւղէն գէպ ի ներս կը յառաջանան, նեղ փողոցներ, ալտուո մայթեր, խոնաւ օդ մը. փողոցները, տուները, մայթերը յայտնի վկաներ այդ գիւղացիւ

ներուն աղտոտ նկարազրին։ Ուղղակի այդ գիւղին կրօնաւորին տունը կ'երթան։ հիմա գիւղին մէջ տարօրինակ իրարանցում մը կայ՝ ամենքն ալ այդ օտարականներուն վրայ կը խօսին. մէկը կ'ըսէ — երեք ալաֆիրանկա հագուած մարդիկներ եկան, ուրիշ մը՝ — Մեր նոր վարժըպեաը ըկեր է, երրորդ մը՝ — Զորպաձիները կ'ըսէան, կեղնէան, հըլէ վարժըպեաը բերին, չորրորդ մը՝ — Ընն, էս վարժըպեան էլ ֆէս չը կենար, էսոր ալ իւլարը ձեռքը կիտան. չես նայի՛ր պըչկընի պէս քուավէօթ կապեր է՝ — Իրիկուն է, ամբողջ գիւղին հասարակութիւնը բարի գալուստի կուգան նոր հիւրերուն, սինեակը լեցուն է կոշտ գիւղացիներու բազմութեամբ, նախ յորպաճինին (Նախագահ) խոշոր մարդ մը, տնեւ հաստ ծառի մը կոծզին պէս, երկայն ու թաւ անմաքուր պեխեր ծովու սէզերու նման — որոնք իրմէ առաջ ամեն բանի մէջ կը մտնին, Գնչուներէն աւելի սեւ, կոշտ խոսող մը, յոխորտանօք նստած եւ իր ածուխի նման քչքերուն պէս ալ համրիչ մը ձեռքը բոնած, ծալլուած տեղը երերալով հիւրերուն կը պատասխանէ, իր ամեն մէկ խօսքերը զօրացնելով կիկնելըմ մակդիրով. Այդ գիւղը բոլոր գիւղացիները իրենց բարի գալուստի պարտականութիւնները խղճի մոօք կատարելէ վերջ գացին պառկիլ, հիւրերն ալ՝ արդէն յոգնած ըլլալով. շուտով մը նոնջառենիակ քաշուեցան՝ սակայն միջանկեալ բան մը կար՝ զոր մոռցայ ըսել, այդ գիւղը կարապեաւ իրկու պաշտօնակիցները գինքը ներկայացուցին գիւղացիներուն՝ զրուատելով անոր ամեն մէկ բարեմանութիւնները, գիւղացիք գոն

սրտով կը պատասխանէին — Մնաք ամենիս ալ
էս վարժըպետին վէօտքին ծարէն մինչեւ զլիսուն
թեփէն շորկալինք : Կարապետ յաջորդ առաւօտ
կանուխ ելլելով իր ճամբորգակիցներուն ողջերթ
մաղթեց՝ որոնք մօտակայ դիւղերէն մէկը պիտի
երթային, եւ կրօնաւորին հետ իր նոր վարժարանը
վերադարձաւ. միծ խարխուլ տան մը մէջ՝ ծուռ ու
մուռ սհնեակ մ'էր իր վարժարանը՝ ոչ նստարան
կար, ոչ ալ ուրիշ դպրոցի նշանակ եղող մէկ բան
մը : Հետզհետէ երկսեռ աշակերտներ սկսան գալ՝
որոնց առաջին գործը կ'ըլլար կարսապետին — իրենց
վարժապետին — ձեռքը համբուրել, կարապետ ա-
մենայն հաւատարմութեամբ իր գործը յառաջ տա-
նելով մի քանի շաբաթուան մէջ միծ հոչչակ հանեց՝
այնպէս որ դպրոցը աշակերտներով լեցաւ, ա՛լ տեղ
չկար ուրիշներու՝ դիւղին թէ կնիկները եւ թէ այ-
րերը երբ իրարու քով գային կարապետին համար
կ'ըսէին՝ — Մենք էսէնկ վարժըպետ էրկինքը կը
փնտոէանք, գետինը գտանք, — եւ հետզհետէ առք-
ցընելով իրենց խօսակցութիւնները՝ կ'աւելցնէին —
էս գեղը գեղ ըլլալէն պէրիեէ էսէնկ վարժըպետ
տեսած չէր : Սյսպէս կարապետ իր գործերը լաւ
կարգադրելով ամենուն աչքը մտաւ, ամենէն
սիրուեցաւ. այդ դիւղին մէջ կար ալ նէ ինք էր՝
չկար ալ նէ ինք էր, ամենքը իրեն հետ ակնածան-
քով կը խօսէին, եփէնտի, վարժըպետ, պատուելի
էր իր մակդիրը :

Գ Լ Ո Ւ Թ Յ Ճ Ծ.

Կարապետ իր այս նոր գործին վրայ լաւ մը հաս-
տառուելով սկսաւ ուրախարար նամակներ տուն
զրկել եւ ի պատասխանի ինքն ալ շատ ուրախարար
նամակներ կ'առնէր : Յարութիւնը՝ որ հիմա բաւա-
կան մեծցած էր, գոհացուցիչ ամսականով մը վա-
ճառականի մը քով մանելով միծ աչքաբացութիւն
ցոյց տուած էր, եւ իր բարի վաճառականը հաճած
էր կրկնապատկել ամսականը՝ խոստանալով ապա-
գային աւելցնել: Երկու եղբայրներ այսպէս մի քա-
նի տարիներ շարունակելով իրենց նիւթականը լաւ
մը ապահովցուցին եւ բաւական հարստութիւն դի-
զելէ վերջ՝ իրենց խարխուլ տունը վար առնելով
նոր եւ գեղեցիկ մը կանգնեցին: Տիկին Յովհաննէս
ալ յիսունը կոխած էր՝ բայց գեռ նոր պիտի սկսէր
փառաւոր կեանք մը, ինքզինքը մաշեցուց զաւակ-
ները մեծցնելով, սակայն հիմա՝ այդ բարեպտուղ
զաւակները տասնապատիկը կը հատուցանէին իրենց
մօր:

Երկու եղբայրներ մտածեցին այնպիսի գործի մը
ձեռնարկել՝ որով կարող ըլլան ապագային միասին
գործել եւ միասին անցնել իրենց ժամանակները,
ըստ այսմ կարապետ որոշեց բժշկական վարժարան
մը երթալ եւ Յարութիւն ալ գեղագործական վար-
ժարան մը, Որոշումներնին գործադրեցին եւ մի
քանի տարիներէն տիրացան իրենց նպատակին :

Հիմա իրենց գիւղին մէջ երկու եղբայր — իրենց մօրը քով — միեւնոյն խանութին՝ գեղարանին մէջ կը գործեն, մին իրը բժիշկ, իսկ միւսը՝ իբրեւ դեղագործ :

Իսկ Տիկին Յովհաննէս իր նոր ու գեղեցիկ տունը զարդարած է վայելչօրէն՝ այլ սեւերով՝ վարագոյնները՝ բոլո՛ր արդուզարդերը ամեն բան սեւերով պատած՝ իր զլխաւոր բարլլուր՝ հիւրասենեակը իր ամենէն պերճ, սեւ արդուզարդերուն մէջ թաղուած իր ճակատը կը կրէ ողբացեալ Պ. Յովհաննէսի կենդանագիրը՝ իսկ իր երկու քովերը կը զարդարեն վաղամեռիկ Յակոբին եւ Մարիամին լուսանկարները :

Այժմ այս երջանիկ տունը իր ամեն պարագաներովը կը մարմնացնէ տխուր այլ խորհրդաւոր անցեալ մը :



ՀՅ 372
ՀՅ 373
ՀՅ 374

12015

ՀՅ Ազգային գրադարան



NL0674230

ՀՅ Ազգային գրադարան



NL0674228

ՀՅ Ազգային գրադարան



NL0674229

